

Pêşgotin

Tevlî hemû çavsoyîyên dîrokî, yê li gelê Kurd û li zimanê kudrî bûne, ko hêjî dibistan, pirtûk, kovar û rojnameyên kurdî qedexe ne, tevlî wê jî lê hê zimanê kurdî xwediyê seymyanekî zengîn maye. Ev seymyan ji dehên hezarên gotinên bav û kalên Kurdan e. Kurd van gotinan jî li gor rêzimanêke durist bikartênin. Rêziman ji xwe destûra rasaxaftin, rastnivîsandin û rastxwendinê ye. Di warê rêzimanê de têgehîştinên kûrtir çêdibin û gavên rast ji bo parastin û pêşxistina zimanê kurdî tên avêtin. Yek ji wan gavan jî pêkanîna kursên hînkirina zimanê kurdî ye, yê ev çend sal in li herêma me li Binxetê berdewamdikin. Ev pirûka di nav destê we de jî di gelek ji wan kursan de tê hînkirin û bûye bingeh di destê mamostayên zimanê kurdî de.

Armanc ji vê pirtûkê ev e:

- hînkirina rêzimana zimanê kurdî
- danîna bingehê ji bo yekîtiya termînanên rêzimanî
- nîşankirina rê li ber, yê dixwazin zanebûnên xwe di warê rêzimana zimanê kurdî de kûrtir û ferehtir bikin.

Ev pirtûk li van kehniyên rêzimanî yê li jêr vegeyê û gelek zanî ji wan biriye, bi taybetî ji ya pêşî:

1. Gramatîka zimanê kurdî ser zaravê kurmançî bo komên V- VI; Qenatê Kurdo
2. Rêzimana zimanê kurdî; Kamîran Bedirxan
3. Rêzimana zimanê kurdî; Reşîdê Kurd

Eger kêmasiyên vê pirtûkê hebin, bêgoman wê hebin jî, ez hêvîdikim, ko zaneyên zimanê kurdî wê wan rastbikin û babetên tê de nehatine, yan bi kurtî hatine şirovekirin, wê bidin ber lêkolînên ferehtir û kûrtir, da dawî rêzimanêke bi rastî ji her alî ve durist û bikêrhatî were danîn û bibe bingeh ji bona hînbûna rêzimanê zimanê me yê şêrî û nemir.

Zagrosê Haco

Rimêlan 12.7.1985

Rêziman:

Rêziman destûra rasaxaftin, rastnivîsandin û rastxwendinê ye.

Danas:

- Zimanê mirovî ji **zimanê axaftin** û **zimanê nivîsandinê** çêdibe.
- Zimanê axaftinê bi **dengan** çêdibe.
- Zimanê nivîsandinê bi **tîpan** çêdibe.
- Her tîp dengê nîşandike, her çend deng (tîp) **bêjeykê** (peyv, gotin, şor) çêdikin û her çend bêje, yê bi bîrsayî bi hev re girêdayî **hevokekê** çêdikin.

Tîpên Alfabêta kurdî

Alfabêta kurdî ji **sih û yek** tîpan biheketiye.

1-Tîpên çapê

A. *Tîpên çapê yê girs (girek)*

Tîpên çapê yê girs ev in:

A	B	C	Ç	D	E	Ê	F	G	H	I	Î	J
K	L	M	N	O	P	Q	R	S	Ş	T	U	Û
V	W	X	Y	Z								

B. Tîpên çapê yên hûr (hûrek)

Tîpên çapê yên hûr ev in:

a	b	c	ç	d	e	ê	f	g	h	i	î	
j	k	l	m	n	o	p	q	r	s	ş	t	u
û	v	w	x	y	z							

2 - Tîpên destnivîsandîne

A. Tîpên destnivîsandîne yên girs

Tîpên destnivîsandîne yên girs ev in:

A	B	C	Ç	D	E	Ê	F	G	H	I	Î	J
K	L	M	N	O	P	Q	R	S	S	T	U	Û
V	W	X	Y	Z								

B. Tîpên destnivîsandîne yên hûr

Tîpên destnivîsandîne yên hûr ev in:

a	b	c	ç	d	e	ê	f	g	h	i	î	
j	k	l	m	n	o	p	q	r	s	ş	t	u
û	v	w	x	y	z							

Bilêvkirina tîpên kurdî û navên ji bona wan:

Jimar di rêzê de	Tîp	Dengê tîpê	Bilêvkirin
1	A	(a)	Alan
2	B	(bê)	Bêrîvan
3	C	(cê)	Can
4	Ç	(çê)	Çeto
5	D	(dê)	Dara
6	E	(e)	Evîn
7	Ê	(ê)	Êlîxan
8	F	(if)	Findê
9	G	(gê)	Goran
10	H	(ha)	Hêlîn
11	I	(i)	Insan
12	Î	(î)	Îskan
13	J	(jê)	Jala
14	K	(kê)	Kawa
15	L	(il)	Leyla
16	M	(im)	Mêdya
17	N	(in)	Nazê
18	O	(o)	Oldar
19	P	(pê)	Perî
20	Q	(qe)	Qehreman
21	R	(rê)	Rindê
22	S	(is)	Salar
23	Ş	(iş)	Şêrîn
24	T	(tê)	Têlîcan
25	U	(u)	Umîd
26	Û	(û)	Ûsiv
27	V	(vê)	Viyân
28	W	(we)	Welat
29	X	(xê)	Xecê

30	Y	(yê)	Yezdansêr
31	Z	(zêt)	Zînê

Tîpên cêwî

Tîpên cêwî bi du awayî tên bilêvkirin, carekê nerm û carekê hişk. Tîpên cêwî jî ev in:

Ç K L P R

Hînker

Tîp Awayê nerm Awayê hişk

Tîp	Awayê nerm	Awayê hişk
Ç	çem, çil	çil, çilek, çepel
K	ka, kil, kul	ka?, kurd
L	lêv, ling	lewlew, pelpel
P	pişt, pel	par, pelpel
R	bar, dar	kirin, reng, birin, ker

Tîpên pevdeng

Di zimanê kurdî de yek tîpa pevdeng heye, ev jî ev e: **xw**

Wek:

xweş, xwê, xwîn

Cihderka tîpan

Tîpên ji lêvan dertên

b, f, p, v, w

Tîpên ji serê zimên dertên

d, l, r, s, t, z

Tîpên ji şkefta dêv dertên

C, ç, g, j, k, ş

Tîpên ji qirikê dertên

q, x

Tîpên ji zengelorê dertên

a, e, ê h, i, î, o, , u, û

Tîpên ji bêhvilê dertên

m, n

BÊJE

Bêje gotineke xwedî wate ye ji kîtikê, yan çend kîteyan bihekete.

Kîte

Kîte ji aliyê dengkirinê ve piçûktirîn parçê bêjeyê ye.

Bêjeyên yekkîte, wek:

av, nav, bav, dar, û, ev, ûhd (**û hin din**).

Bêjeyên dukîte, wek:

ra-bûn, ba-ran, a-va, ba-jar ûhd.

Bêjeyên sêkîte, wek:

ve-xwa-rin, ni-vî-sîn, lev-ke-tin ûhd.

Bêjeyên çarkîte, wek:

ve-mi-ran-din, ni-vî-san-din, ba-jar-va-nî ûhd.

Bêjeyên hevdeng

Du bêjeyên bilêvkirin û nivîsandina wan wek hev bin, lê wateya wan jev cê bin ji wan re bêjeyên hevdeng tê gotin,wek:

pol (polê mirov) pol (polên bi nameyan ve têne kirin)
şîn (rengê şîn) şîn (şîna li ser miriyan)
nav (wek: navê mirov) nav (wek: li nav bajêr)

Bêjeyên hevwater

Bêjeyên wateya wan yek be, lê bilêvkirin û nivîsandina wan jev cê be ji wan re bêjeyên hevwater tê gotin,wek:

welat = niştîman
şerm = fihêt
zû = bi lez

Bêjeyên dijraber

Bêjeyên wateyên wan dijî hev bin ji wan bêjeyên dijraber tê gotin, wek:

aşîti<>şer
sar<>germ
dûr<>nêzîk

NÎŞANDEK

Nîşandek alîkariya têgihîştina zimanê nivîsandinê dikan.

, bêhnok
. xal,rawest
; xalbêhnok
: cotxal
? pirsnişan
! seyrnişan
() dukevan
(kevanê vekirî
) kevanê girtî
- pîne
`duneynûk

Parçeyên axaftinê koma hemû bêjeyên di axaftin û nivîsandinê de ye. Di zimanê kurdî de heşt komên axaftinê yê sereke hene. Ew kom jî du texlîtin. Texlîtek tê guhertin jê re tê gotin guhêrbar û yê din nayê guhertin jê re tê gotin neguhêrbar.

Parçeyên axaftinê, yê guhêrbar ev in:

nav, rengdêr cînav, jimar û lêker.

Parçeyên axaftinê, yê neguhêrbar ev in:

hoker, daçek û gehandek.

PARÇEYÊN AXAFTINÊ YÊN GUHÊRBAR

Parçeyên axaftinê yê guhêrbar ev in:

1. Nav

Nav parçekî axaftineyî guhêrbar e. Nav du kom in û bi vî awayî tên cêkirin:

- Navên şênber
- Navên razber

a) Navên şênber

Navên şênber ew nav in, yê mirov dikare bi pênc sehkerên xwe nasbike. Navên şênber bi vî awayî tên cêkirin:

- Navê tiştên canbar
- Navê tiştên necanbar

1. Navê tiştên canbar

Navê tiştên canbar mê ne, nêr in yan dudayendî ne.

a) Navên zayên mê, yên yekjimar

1- Navên jinan

wek:

Narîn, Şêrîn, Gulperî ûhd.

2- Navê mirovan

wek:

jîn, bûk, keç, met ûhd.

3- Navê lawiran

wek:

bizin, mih, çêlek ûhd.

*- Ev navên mê di forma hevbandî de çaxê tên tewandin (çivandin) paşdanka hevbandî "a"distênin.

Hînker

1- Narîna piçûk, Şêrîna Temo, Gulperîya Reşo.

2- Jina hêja, bûka Simko, keça kurd.

3- Bizina we, miha avis, çêleka stewr.

b) Navên zayend nêr, yê n yekjimar

Navên zayend nêr, yê n yekjimar di forma hevbendî de çaxê tîn çivandin paşdanka hevbendî "ê" distênin, û bi vî awayî tîn cêkirin:

1- Navê mêran

wek:

Azad, Tîtal, Evdal ûhd. di forma hevbendî de "çivandî" dibin:

Azadê jîr, Tîtalê Şêro, Evdalê Zeynê.

2- Navê mirovan

wek:

Mêr, xort, ûhd. çivandî dibin:

mêrê çê, xortê şoreşvan, bavê Mişo.

3- Navê lawiran

wek:

beran, hesp, nêrî ûhd. di forma hevbendî de "çivandî" dibin:

beranê me, hespê beze, nêriyê reş.

2- Navê tiştên necanbar

Navê tiştên necanbar jî zayendên mê û nêr distênin.

- a) Navên necanbarî mê, yê yekjimar wek navên canbarî mê di forma hevbendî de "çivandî"paşdanka hevbendî "a"distênin, wek:

av, baran, berf, beroş ûhd dibin:

ava sar, barana hûr, berfa çiyê, beroşa te.

- b) Navên necanbarî nêr, yê yekjimar wek navên canbarî nêr di forma hevbendî de "çivandî"paşdanka hevbendî "ê"distênin wek:

kon, nan, agir ûhd dibin:

konê reş, nanê sêlê, agirê êzingan.

- c) navên duzayend

Ev nav carnar wek navên mê û carnar wek navên nêr, ligor xwediye nav tên bikaranîn.

*- c) Navên duzayend

Ev nav carnar wek navên mê û carnar jî navên mêr, li gor xwediye nav tên bikaranîn.

Hînkêr:

heval, jar, dijmin, neyar, dost, karker, karmend, mamoste

ûyd.

Çaxê navên duzayend mê bin paştanka hevbendî "a"distênin, wek:

hevala te, yara Soro, dijmina gel.

Çaxê navên duzayend nêr bin paşdanka hevbendî "ê"distênin wek:

heval ê hêja, yar ê Xecê, harmend ê nû.

Navên bernas

Navê bernas navê jin, mêr, cih û welatan e. Her û her bi tîpa girs destpêdike, wek:

Narîn, Zêrîn, Agrî, Kurdistan

ûyd.

Navê bernasî mirovan ji sê navan biheketiye: Navê pêşî, navê bav û navê malbatê, wek:

Azadê Şivanê Temo, Zîna Xiçîkê Lewend.

Navên gelemper

Wek:

mirov, çiya, çem

ûyd.

KM

1. Sê hînkeran li ser navên zayend mê binivîsin!
2. Sê hînkeran li ser navên zayend mêr binivîsin!
3. Sê hînkeran li ser navên duzayend binivîsin!
4. Sê hînkeran li ser navên necanbar binivîsin!

b) Navên razber

Navên rezber mirov ne bi her pênc sehkerên xwe nasdike, lêbelê wan bi hişê xwe di sewdanê xwe de nas dike. Ew bi vî awayî tên cêkirin:

1. Navên ramanî, 2. Navên abstraktîv, 3. Navên kirinê.

1. Navên ramanî

Zayendê hin ji navên ramanî mê ye, wek:

hêvî, tirs, hêz, sehwa, raman ûhd.

Di forma hevbendî de paşdanka hevbendî "a"distênin wek:

hêviya welêt, tirsî simxuran, hêza çîna karker, sehwa reşkê şevê, ramana azadiyê.

Zayendiyê, yên din nêr e, wek:

hiş, derd, sewdan ûhd.

Di forma hevbendî de paşdanka hevbendî "ê"distênin, wek:

hişê hijmaryaran, derdê giran, sewdanê mirov

2. Navên abstraktîv

Dawiya van navan bi "atî", "tî", "ayî"û yan "î"tewa dibe, zayendê wan mê ye û paşdanka hevbendin "a"distênin, wek:

hevaltî, rastî, arzanî, bilindayî, mezinayî ûhd.

Di forma hevbendî de dibin:

heval**tiya** gelan, birat**iya** xortan, arzani**ya** şîni ûhd.

3. Navên kirinê

Hemû makder wek navên kirinê tên bikaranîn. Zayendê wan mê ye û di forma hevbendî de paşdanka hevbendî "a"distênin, wek:

birin, hatin, çûn frotin ûhd.

Di forma hevbendî de dibin:

birina ardî, hatina baranê, çûna çolê.

Navên pirjimar

Hemû nav, yên mê, mêr û duzayend çaxê pirjimar bin di forma hevbendî de paşdanka hevbendî "**ên**"distênin, wek:

heval, keç, hesp, çêlek, hêz, hevalî, hatin, ûhd.

Di forma hevbendî de dibin:

heval**ên** têja, keç**ên** jêhatî, hesp**ên** beze, çêlek**ên** stewr, hêz**ên** nû, hevaltîy**ên** kûr, hatin**ên** rêwîyan.

Navên nependî

Navên nependî, yên yekjimar

1. Navên nependî, yên yekjimar bi alîkariya paşdanka nependiyê "ek" çêdibin, wek:

xort, heç, mal, sêr ûhd.

Çaxê ev nav nependî bin, dibin:

xostek, heçek, malek, şêrek ûhd.

2. Di forma hevbandî de navên zayend mê di dawî de "e" şûna "a" distênin û navên nêr "î" şûna "ê" distênin, wek:

keça kurd, xortê kurd ûhd.

Ev nav dibin:

keçeke kurd, xortekî kurd.

Nasên:

Navên di dawîya wan de tîpeke dengdar be paşdanka nependiyê "ek" dikare kurt û bibe "k", wek:

pale, wate, bêje, parçe ûhd

dibin:

palek, watek, bêjek, parçek.

Nivîsandîna van navan wek:

paleyek, wateyek, bêjeyek, parçeyek

Ev durist e, lê hinekî dirêje.

Navê paşî, yê forma hevbendî

1. Navê nasî paşî, yê mê di forma hevbendî de paşdanka "ê"distêne, wek:

mala jinê, deriyê malê, kirasê Şêrînê

Eger navê paşî nependî be, hingî paşdanka "ekê"distêne wek:

mala jinekê, deriyê malekê, kirasê Şêrînekê

2. Navê nasî paşî, yê nêr di forma hevbendî de nayê guhertin, wek:

stûna kon, bavê xort, mala Azad.

Lê eger nav nependî be, hingî paşdanka "ekî"distêne, wek:

stûna konekî, bavê xortekî, mala Azadekî

Nasîn :

Hin navên nêr hene di forma hevbendî de bi awakî taybetî tên gurtin wek:

dîwar, bajar, ga, xanî ûhd.

Çaxê navê paşî nêr be hingî dibin:

çavê **gê**, rengê diwê**r**, dergekê bajê**r**, deriyê xê**nî**

Lê eger ev navên taybetî nependî bin hingî di forma rast de tên bikaranîn wek:

rengê dîware**kî**, dergekê bajare**kî**, çavê gaye**kî**, deriyê xanî**kî**.

Navên paşî, yê pirjimar di forma hevbendî de

Navên paşî, yê pirjimar di forma hevbendî de mê, yan nêr bin ew paşdanka "an"distênin, wek:

mala jin**an**, deriyê mal**an**, stûna kon**an**, bavê xort**an** ûhd.

Eger navên paşî nependî bin, hingî paşdanka "nan"distênin, wek:

mala jin**nan**, deriyê mal**nan**, stûna kon**nan**, bavê xort**nan** ûhd.

Navê kombêj

Navên kombêj ew nav in, yê forma wan yekjimar e, lê wateya wan pirjimar e ji ber ko du endam yan bêhtir di koma xwediyê nav de hene, wek:

kerî, ref, lek, selef, garan ûhd.

KM.

1- Sê hînkeran li ser hemû texlîtên navên razber binivîsin!

2- Sê hînkeran li ser navên nependî yekjimar û pirjimar binivîsin!

3- Sê hînkeran li ser navên paşî di forma hevbendî de binivîsin!

Guhastina nava

Di zimanê kurdî de şeş formên guhastina navan hene, ew jî ev in:

Forma rast, forma bangê, forma tewandî (çivandî), forma bihevre, forma tevayî û forma cîwarî

1. Forma rast

Di forma rast de nav nayê guhertin, wek xwe dimêne. Nav di forma rast de di bersiva pirsan de tê, pirsên wek:

Kî çi dike? Çi çi dike? Çi yan kî di çi rewşê de ye?

Hînger

Kî dibîne? Xort dibîne. Keç dibîne.

Çi ket? Xort ket. Keç ket. Kevir ket.

Kî razaye? Azad razaye. Şêrîn razaye.

Çi şkestiye? Dar şkestiye.

2. Forma bangê

Bi bakirinê mirov dihêle, ko haya, yê tê bakirin ji tiştekî hebe bi nîşandekên bangê, bi bikaranîna nav di forma bangê de û bi alîkariya paşdankên bangê. Paşdankên bangê "ê"ko ya navên mê ye, yên yekjimar, "o"bo navên nêr e, yên yekjimar û "no"bo navên mê û nêr, yên pirjimar e. Nîşandekên bangê ev in:

lê, lêlê, lo, lolo, hey, heylê, heylo, gelî, wa ûhd.

Hînger:

Keçê! Sarê! Şêrînê! xorto! Azado! hevalê! keçno! xortno! yadê! yabo!

Serinc: Li pey navan di forma bangê de û di dawiya hevokên bangê de dive seyrnîşan "!"were danîn.

3. Forma tewandî (çivandî)

Di forma tewandî de nav di bersiva van pirsan de tê:

Kê kir (kirde mê)? (Tu) çi dikî (têker mê)? (Ya) kê (ji navê mê re)? Li kûderê? Ji kûderê?

Hînker

Kê dît? Beharê dît.

Tu çi dikî? Ez pirtûkê dibim.

Sola kê ye? Sola min e.

Li kûderê? Li Wanê.

Ji kûderê? Ji Hewlêrê

4. Forma bihevre

Di vê formê de nav di bersiva van pirsan de tê:

Bi kê re? Bi çi re? Ji kê re? Ji çi re? Di kûderê de?

û paşdanka bihevreyî "re"distêne, wek:

bi rêwî re, bi çem re, ji heval re, ji malê re, di sêrtê re,
di colê re ûhd.

5. Forma tevayî

Di forma tevayî de nav di bersiva van pirsan de tê:

Di kê ve? Di çî ve? Bi kê ve? Bi çî ve? Di kûderê ve?

û paşdanka tevayî "**ve**"distêne, wek:

Derzî di destê kê ve çû? Di destê Gulêve çû.

Mar bi kê ve da? Bi Reşo ve da.

Win di kûderê ve çûn? Di Dêrikê ve.

6. Forma cîwarî

Di forma cîwarî de nav di bersiva van pirsan de tê:

Di kê de? Di çî de?

û paşdanka cîwarî "**de**"distêne, wek:

Pêşmerge di mala kê de dimêne? Di mala Azad de.

Av di çî de ye? Di golê de.

Guhestina navan li gor zayend

a. Guhestina navên me

Guhestina navên mê ligor nijandina jêrîn dibe:

	Forma guhestinê	navên yekjimar		navên pirjimar	
		nas	nependî	nas	nependî
1	Forma rast	keç	keçek	keç	keçin
2	Forma bangê	keçê!		keçno!	
3	Forma çivandî	keçê	keçekê	keçan	keçnan
4	Forma bihevre	keçê re	keçekê re	keçan re	keçnan re
5	Forma tevayî	keçê ve	keçekê ve	keçan ve	keçnan ve
6	Forma cîwarî	keçê de	keçekê de	keçan de	keçnan de

b. Guhestina navên nêr

Guhestina navên nêr ligor nijandina jêrîn dibe:

	Forma guhestinê	navên yekjimar		navên pirjimar	
		nas	nependî	nas	nependî
1	Forma rast	xort	xortek	xort	xortin
		bajar	bajarek	bajar	bajarin
2	Forma bangê	xorto!		xortno!	
		Bajaro!		Bajarno!	
3	Forma çivandî	xort	xortekî	xortan	xortnan
		bajêr	bajarekî	bajaran	bajarnan
4	Forma bihevre	xort re	xortekî re	xortan re	xortnan re
		bajêr re	bajarekî re	bajaran re	bajarnan re
5	Forma tevayî	xort ve	xortekî ve	xortan ve	xortnan ve
		bajêr ve	bajarekî ve	bajaran ve	bajarnan ve
6	Forma cîwarî	xort de	xortekî de	xortan de	xortnan de
		bajêr de	bajarekî de	bajaran de	bajarnan de

Nasîn 1:

Navên yekjimar û pirjimar di forma rast de jev nayên cêkirin, lê di hevokê de bi alikariya lêker hijmara nav berçav dibe, wek:

Dotmam

Dotmam hat.

Dotmam hatin.

Nasîn 2:

Navên taybetî, wek dîwar, bajar, ga û xanî, ko nêr in, bi tenê dema yekjimar û nas bin taybetmendiya wan di formên tewandî, bihevre, tevayî û cîwarî de tê xuyakirin. Li tabloya jor binere!

Vekît

Gola gundê me

Kamûran Bedirxan

Di nêzikî gundê me de golek heye. Ev gol gelekî mezin e. Di golê de masiyên mezin peyde dibin. Masîvanên gund ji vê golê masiyan baş digrin û difroşin.

Carna em di vê golê de avcaniyê dikin. Di nav me de melevanên jêhatî hene. Herwekî gol mezin e, gava bayê xurt tê, pêlên bilind lê dirabin.

Di buharê de mirovên gund li ber lêva avê ji xwe re digerin û zarok dileyzin.

Zivistanê ava golê diqerise û qeşayê digire. Zarok li ser qeşayê xwe xîz dikin.

KM

Navên "şev" û "çem" di hemû formên guhestina navan de bikarbênin!

Rengdêr parçekî axaftineyî guhênbar e. Rengdêr reng, kêsîm, form, dêm, sîma û karaktera navan diyar dike. Rengdêr di zimanê kurdî de her û her li pey navan tên, wek:

kirasê **sor**, ava **sar**, hevalê **jîr**, xwendevanê **çeleng**, xwendekarê **hêja**, çiyayên **bilind** ûhd.

Berhevaniya rengdêran

Du rengdêr tên bara hev, da diyar bibe, ko navek ji yê din bi karekterekê bêhtir e, ew jî bi alîkariya van paşdankan: "**tir**" û "**tirîn** yan **ya, yê, yên.... tir**".

Sê pêpelûk di berhevaniya rengdêr de hene, bi vî awayî:

pêpelûka pêşî	pêpelûka diduyan	pêpelûka sisiyan
mezin	mezintir	mezintirîn (ya, yê, yên mezintir)
dirêj	dirêjtir	dirêjtirîn (ya, yê, yên dirêjtir)
dûr	dûrtir	dûrtirîn (ya, yê, yên dûrtir)
kurt	kurttir	kurttirîn (ya, yê, yên kurttir)

Guhestina rengdêran

Guhestina rengdêran ligor nijandina jêrîn dibe:

	Forma guhastinê	Rengdêr bi navên yekjimar re		Rengdêr bi navên pirjimar re	
		nas	nependî	nas	nependî
1	Forma rast	hevala, hevlê jîr	hevaleke, hevlekî jîr	hevalên jîr	hevalne jîr
2	Forma bangê	(hevala, hevlê) jîrê , jîro!		(hevalên) jîrno!	
3	Forma çivandî	hevala, hevlê jîr	hevaleke, hevlekî jîr	hevalên jîr	hevalne jîr
4	Forma bihevre	hevala, hevlê jîr re	hevaleke, hevlekî jîr re	hevalên jîr re	hevalne jîr re
5	Forma tevayî	hevala, hevlê jîr ve	hevaleke, hevlekî jîr ve	hevalên jîr ve	hevalne jîr ve
6	Forma cîwarî	hevala, hevlê jîr de	hevaleke, hevlekî jîr de	hevalên jîr de	hevalne jîr de

Çaxê ji bona navekî gelek rengdêr li pey hev werin, hingî dîse rengdêrê dawî li gor nijandina jorîn tên guhestin, lê rengdêrên nîvekî bi vî bi awayî tên guhestin:

1. Bi navên mê re paşdanka hevbendî "e" distênin, wek:

Keça **rinde bedewe** ciwan.

Keçeke **rinde bedewe** ciwan.

Keçên **rinde bedewe** ciwan.

Keçne **rinde bedewe** ciwan.

2. Bi navên mêr re paşdanka hevbendî, "î", distênin wek:

Xortê **çelengî jîrî** mêr

Xortekî **çelengî jîrî** mêr

Xortên **çelengî jîrî** mêr

Xortne **çelengî jîrî** mêr

Metelokên kurdî

1. Ne konê bê pez, ne gundê bê rez û ne yê bê ez û ez.

2. Hesp dibeze, siwar pesnê xwe dide.

3. Ga dimre çerm dimêne, mirov dimre nav dimêne.
4. Dilê tirsonek sînga gewr nabîne.
5. Her tişt bi ziravî dişke, mirov bi stûrî.
6. Yê got û kir mêr e, yê negot û kir şêr e û yê got û nekir ji xwe kerê bêkêr e.
7. Ko şev reşbû, tu reştir bel!
8. Yê ko ji jina xwe netirse, ne ti mêr e.
9. War ew war e, lê bihar ne ev bihar e.
10. Şêr şêr e, çî jin e çî mêr e.
11. Ew bilûra te lêdixist şikest.

Karê Malê

1. Hersê pêpelûkên berhevaniya van rengdêran "kesk, sor, zer"binivîsin!
2. Van rengan "baş"û "sor"di hemû formên guhestinê de bikarbênin!
3. Hemû rengdêrê di metelokên jor de hatine binivîsin!

Cînav parçekî axatinêyî guhêrbar e, dikeve şûna navan û cihê wan digere. Cînav bi vî awayî tên cêkirin:

1. Cînavên kesînî

a) Cînavên kesînî forma rast

	Yekjimar	Pirjimar
kesê pêşî	ez	em
kesê diduyan	tu	win
kesê sisiyan	ev	ew

Hînker

Ez hatim. Em hatn.

Tu hatî. Win hatin

Ew hat. Ew hatin

Azand hat = **Ew** hat

Temo, Rew û Azad hatin = **Ew** hatin

ûhd.

b) Cînavên kesîni forma tewandî

	Yekjimar	Pirjimar
kesê pêşî	min	me
kesê diduyan	te	we
kesê sisiyan	wî, wê	wan

Guhastina cînavên kesîni

1	Forma guhastinê	Cînavên yekjimar	Cînavên pirjimar
1	Forma rast	ez, tu, ew	me, we, wan
2	Forma bangê		
3	Forma çivandî	min, te, wî, wê	me, we, wan
4	Forma bihevre	(min, te, wî, wê) re	(me, we, wan) re
5	Forma tevayî	(min, te, wî, wê) ve	(me, we, wan) ve
6	Forma cîwarî	(min, te, wî, wê) de	(me, we, wan) de

Nasîn:

Wek ji tabloya jor tê xuyakirin, cînav di hemû formên tewandî de, wek xwe dimêne.

Hînger

Min bir. Me bir.

Te bir. We bir.

Wê, wî bir. Wan bir.

Azad dît = **Wî** dît

Şêrîne xwend = **Wê** xwend

ûhd.

2. Cînavên arzî

Cînavên arzî ev in:

Cînavên arzî yê yekjimarî mê:

ya min, ya te, ya wî, ya wê

ya me, ya te, ya wan

Cînavên arzî yê yekjimarî nêr:

yê min, yê te, yê wî, yê wê

yê me, yê we, yê wan

Cînavên arzî yê pirjimarî nêr û mê:

yên min, yên te, yên wî, yên wê,

yên me, yên we, yên wan

Guhestin cînavên arzî

Cînavên arzî ji forma rast bi vî awayî têne guhestin:

bi ya min re, bi ya te re, bi ya wî re, bi ya wê re

bi ya me re, bi ya we re, bi ya wan re.

bi ya min ve, bi ya te ve, bi ya wî ve, bi ya wê ve

bi ya me ve, bi ya we ve, bi ya wan ve.

di ya min de, di ya te de, di ya wî de, di ya wê de

di ya me de, di ya we de, di ya wan de.

3. Cînavên nîşankirinê

Cînavên nîşankirinê şûna navên dûr û nêzik digirin, ew jî ev in:

Ev- ji bo navên nêzik

Ew- ji bo navên dûr

Hînger

Ev xort e.û **ew** keç in.

Ev keç e.û **ew** xort in.

Guhestina cînavên nîşan kirinê

Çînavên nîşankirinê ligor nîjandin (tablisa, xisteya) jêrîn dibe!

	Cînavên nêzik			Cînavên dûr		
	Forma guhastinê	yekjimar	pirjimar	yekjimar	pirjimar	
	mê	nêr		mê	nêr	
1 Forma rast	ev	ev	ev	ew	ew	ew
2 Forma bangê	-	-	-	-	-	-
3 çivandî	vê	vî	van	wê	wî	wan
4 bihevre	vê re	vî re	van re	wê re	wî re	wan re
5 tevayî	vê ve	vî ve	van ve	wê ve	wî ve	wan ve
6 cîwarî	vê de	vî de	van de	wê de	wî de	wan de

Nasîn: Carnan paşdanka "**ha**"bi cînavên nîşankirinê ve dibe, wek:

evêha, evaha, evênha

ewêha, ewaha, ewênha.

4. Cînavê li xwe veger

Di zimanê kurdî de bi tenê yek cînavê li xwe veger heye ew jî **"xwe"**ye. "Xwe" cînavêkî bêhêl e, dikeve şûna her şeş cînavên kesînî de û diyar dike, ko kirde kirina xwe li xwe divegerêne, wek:

Min xwe dît.

Te xwe şîst.

Wê da birayê xwe dît.

ûhd.

Guhastina cînavê li xwe veger

	Forma guhastinê	Cînavê li xwe veger
1	Forma rast	xwe
2	Forma bangê	-
3	Forma çivandî	xwe
4	Forma bihevre	xwe re
5	Forma tevayî	xwe ve
6	Forma cîwarî	xwe de

5. Cînavên hevdûtiyê

Cînavên hevdûtiyê **"hev"** û **"hevdû"** ne. Ew diyar dikin, ko kirin li du kirdeyan divegere, wek:

Me hev dît.

Em hevdû nasdikin.

ûhd.

6. Cînavên girêdanê

Cînavên girêdanê girêdana di nav du navan de diyar dikin, ew jî ev in:

"ya" şûna navên zayend mêyî yekjimar digre wek:

Ya di serê govendê de hevala min e.

"**yê**"şûna navên nêrî yekjimar digre, wek:

Yê dirêj birayê Temo ye.

"**yên**"şûna navên pirjimar herdû zayendan digre, wek:

Yên xwendin, bi ser ketin.

Nasîn: Gelek caran di zimanê me de ev cînav dibin paşdanka hevbendî "a", "ê"û "ên".

Hînger

Keça dileyize, jinbira Simo ye.

Xortê hat, min dît.

Şagirtên piçûk çûn dibistanê.

7. Cînavên pîrsê

Cînavên pîrsê şûna navan di hevokên pîrsê de digrin. Ew jî ev in:

kî, çi, kîjan

kî - ji mirovan re tê bikaranîn.

çi - ji lawir û necarbaran re tê bikaranîn.

kîjan - ji hemû navan re tê bikaranîn.

Guhastina cînavên pirsê

Guhastina cînavên pirsê ligor nijandina jêr dibe:

a) Guhatina "kî"û"çi"

	Forma guhastinê	cînavê	pirsê	navê	li pey çi
		kî	çi	mê	nêr
1.	Forma rast	kî	çi	çi jin	çi xort
2.	Forma bangê	-	-	-	-
3.	Forma tewandî	kê	çi	çi jinê	çi xortî
4.	Forma bihevre	kê re	çi re	çi jinê re	çi xortî re
5.	Forma tevayî	kê ve	çi ve	çi jinê ve	çi xortî ve
6.	Forma cîwanî	kê de	çi de	çi jinê de	çi xortî de

Hînger

Kî çû bajêr? Kawa çû bajêr.

Kê keştiya gerdûnî dît? Nêrgizê ew dît.

Destik ji çi re ye? Ew ji derî re ye.

b) Guhastina kîjan

	Forma guhastinê	yekjimar		pirjimar
		mê	nêr	
1.	Forma rast	kîjan	kîjan	kîjan
2.	Forma bangê	-	-	-
3.	Forma tewandî	kîjanê	kîjanî	kîjanan
4.	Forma bihevre	kîjanê re	kîjanî re	kîjanan re
5.	Forma tevayî	kîjanê ve	kîjanî ve	kîjanan ve
6.	Forma cîwanî	kîjanê de	kîjanî de	kîjanan de

Nasîn:

Navên li pey "kîjan" li gor zayend û forma tê de tê guhastin. Cînavê "**kîjan**" nayê guhertin.

Hînger

Kîjan heval hat?

Kîjan keçê bir?

Te ji kîjan xortî re got?

Ji kîjan kesan re dibêjin xwendevan?

Nîşan bi kîjan leşkeran ve kirin?

KM.

Deh hevokan binuivîsin, yê ko di wan de cînavên buhurtî hebin.

8. Cînavên nebinavkirî

Cînavên nebinavkirî şûna navan digrin, lê bi awakî neron pêşkeş dikin. Ew jî sê kom in:

a) heçî, hîç, ti ûhd.

Ev cînav nayên tewandin, wek:

Heçî zû hat rûnişt, lê yê dereng hatin li ser piyan man.

Ti rê bi vî çiyayî nakevin.

b) yek, heryek, kes, herkes, tişt, hertişt ûhd.

Ev cînav tên tewandin, wek:

Yekî got. Ji herkesî re bêjin!

c) hemû (hemî), hin, hinek, çendek ûhd.

Ev cînav pirjimar in û tên tewandin, wek:

Hemîyan got, em azadiyê dixwazin.

Hin hatin.

Çendek çûn.

Nasîn 1:

Di zimanê kurdî de daçek û cînavên kesînî "wê" û "wî" dighin hev û bo sivkaniya nivîsandinê û axaftinê bi vî awayî bi kar tên:

li wê, li wî dibin **lê**

li wê, li wî dibin **pê**

di wê, di wî dibin **tê**

ji wê, ji wî dibin **jê**

Hînkêr:

Min **lê** nerî.

Belavok **pê** re ne.

Rêwî **tê** de ne.

Min **jê** re got.

Nasîn 2:

Cînavên kesînî "wê" û "wî" carnan bi kurtî tên bikaranîn û dibin "ê", wek:

Min day**ê**. Di şûna: Min da **wê (wî)**.

Te gotiy**ê**. Di şûna: Te got **wê (wî)**.

Jimar parçekî axaftinêyî guhêrbar e bi vî awayî jev tê cêkirin:

a) Jimarên bingehîn

Jimarên bingehîn bersiva van pirsan didin: "çend?" û "çiqas?".

1. Jimarên dehên pêşî

1- yek 6- şeş

2- didu 7- heft

3- sisê 8- heşt

4- çar 9- neh

5- pênc 10- deh

2. Jimarên dehên diduyan

11- yazdeh 16- şazdeh

12- diwazdeh 17- hivdeh

13- sêzdeh 18- hijdeh

14- çardeh 19- nozdeh

15- pazdeh 20- bîst

Hînger

Navê **çaran** şaş hatiye nivîsandin.

Hespê me cihê **pazdehan** di cirîdê de girt.

Di salên **bîstan** de Kurdistan çar parçe kirin.

3. Jimarên dehta

10- deh 60- şêst

20- bîst 70- heftê

30- sih 80- heştê

40- çil 90- not

50- pêncih 100- sed

Hînger:

Deh şagirt hatin.	Deh şagirt dixwênin.	Ez ji dehan dipirsim.
Bîst şagirt hatin.	Bîst şagirt dixwênin.	Ez bîstan dipirsim.
Sih şagirt hatin.	Sih şagirt dixwênin.	Ez ji sihî dipirsim.
Çil şagirt hatin.	Çil şagirt dixwênin.	Ez ji çilî dipirsim.
Pêncih şagirt hatin.	Pêncih şagirt dixwênin.	Ez ji pêncihî dipirsim.
Şêst şagirt hatin.	Şêst şagirt dixwênin.	Ez ji şêstî dipirsim.
Heftê şagirt hatin.	Heftê şagirt dixwênin.	Ez ji heftêyî dipirsim.
Heştê şagirt hatin.	Heştê şagirt dixwênin.	Ez ji heştêyî dipirsim.
Not şagirt hatin.	Not şagirt dixwênin.	Ez ji notî dipirsim.
Sed şagirt hatin.	Sed şagirt dixwênin.	Ez ji sedî dipirsim.

Nasîn:

Dema jimarên **sih, çil, pêncih, şêst, heftê, heştê, not** û **sed di** hevokê de têker bin, hingî wek yekjimar tên bikaranîn.

4. Jimarên sedta

- 100- sed 600- şeşsed
- 200- dused 700- heftsed
- 300- sêsed 800- heştсед
- 400- çarsed 900- nehsed
- 500- pêncsed 1000- hezar

Hînger:

- Di vê dibistanê cihê hezarî heye. (yek hezar)
- Di vê dibistanê cihê hezararan heye. (gelek hezar)

Nasîn:

Dema jimarên li jor di hevokê de di forma tewandî de bin, hingî ew wek yekjimarên nêr tên bikaranîn.

5. Jimarên mezin

1 000 000 = milyon = hezar hezar

1 000 000 000 = milyar = hezar milyon

Di zimanê kurdî de xwendina jimaran ji xana mezin destpêdike ber bi ya piçûk ve, wek:

9524 = neh hezar û pêncsed û bîst û çar

9 - xana hezaran

5 - xana sedan

2 - xana dehan

4 - xana yekan

Nasîn:

Milyon û milyar nêr in.

b) Jimarên carkirî

Jimarên carkirî bi vî awayî ne:

1- carek, ducar, sêcar,... ûhd.

2- yek yek (yeko yeko, yeke yeke), dido dido, sisê sisê, çare çar,... ûhd.

3- yekta, duta, sêta,... ûhd.

c) Jimarên kombêj

Jimarên kombêj ev in:

..., şeşek, heftek, heşte,...

ûyd.

ç) Jimarên bi paşdanka "anî"

Ew jî ev in:

yekanî, duyanî, sêyanî, çaranî,...

ûyd.

d) Jimara rêzda

Jimarên rêzda bersiva van pirsan didin "kîjan"û "ya, yê, yên çenda".

Du formên jimarên rêzda hene:

1. Pêşî (ya, yê, yên, yekê), ya diduyan, ya sisiyan,...

ûyd.

2. Yekemîn, diwemîn, sêyemîn, çaremîn...

ûyd.

e) Jimarên şikeste

Jimarên porçedar ev in:

1. Jimarên şikesteyî bingehî

1/2- nîv, 1/3- sêyek (sisê ji yekê) 1/4- çaryek,...

2/3 - sêdu (sisê ji diduyan), 5/4 - (çar ji pêncan)

ûyd.

2. Jimarên şikesteyî dehyekî

0.1 - sifir xal yek

0.02 - sifir xal sifir didu

5.471 - pênc xal çar heft yek

ûyd.

ê) Jimarên tewaw

Jimarên tewaw ev in:

0, 1, 2, 3,..... ∞ (ta nemayê),

-1 (kêm yek) -2 (kêm didu), -3 (kêm sisê)... $-\infty$ (ta mînus nemayê),

ûyd.

Ferhengoka jimaran

jimarên cot: 2, 4, 6,..., -246...

jimarên dabeşbar:

2, 4, 6, 9, 10, 12, 14, 15, 16,...

jimarên xwebes:

1, 2, 3, 5, 7, 11, 13, 17, 19, 23, 29,...

+ nîşana komkirinê

- nîşana kêmkirinê

x nîşana carkirinê

/ nîşana dabeşkirinê

x^2 x çarçik

x^3 x. kabik

Ra

rayê ducar (çarçikî) ji x

rayê sêcar (kabikî) ji x

encamê encamê kombikirinê

rayê rasteqîne

rayê leylanî

Numroyên romanî

I	1	XI	11	XXI	21	XL	40
II	2	XII	12	XXII	22	L	50
III	3	XIII	13	XXIII	23	LX	60
IV	4	XIV	14	XXIV	24	LXX	70
V	5	XV	15	XXV	25	LXXX	80
VI	6	XVI	16	XVI	26	XC	90
VII	7	XVII	17	XVII	27	C	100
VIII	8	XVIII	18	XVII	28	CC	200
IX	9	XIX	19	XXIX	29	D	500
X	10	XX	20	XXX	30	M	1000

KM

Deh hevokan binivîsin ko tê de cînavên nebinavkirî hebin!

Lêker parçekî avaftinêyî guhêrbar e, pê kar, kirin, bûn û heyîna mirov, lawir û tiştan diyar dibe. Bi veguhastina lêkeran sê tişt tên berçavkirin, ew jî: **kes, jimar û çax.**

Kirde:

Kirde di hevokê de bêjeyeke, ko ew (subjekt) bi karekî dirabe dike. Kirde dikare mirovek be, lawirek be, û yan jî tiştêk be.

Têker:

Têker di hevokê de bejeyeke, ko tiştêk tê serê wî, wê, wan (objekt). Têker dikare mirovek be, lawirek be, û yan jî tiştêk be.

Hînger

Kirde	Têker	Lêker
Azad	pirtûk	xwend
Şivan	pez	diçêre
Ewê	gulan	bifroşe

1. Veguhestina lêkerê heyînê

Du formên lêkerê "heyînê" hene :

1. **Heyîn di dema niha de**
2. **Hebûn di demên bihûrtî de û dema werê de.**

Dema niha

Di dema niha de çaxê lêkerê **heyînê** tê veguhestin, hingî **nîşana kesan** "me", "yî", "ye" û "ne" li rayê **lêker** "he"zêde dibin, bi vî awayî:

Forma erêti

	yekjimar	pirjimar
kesê pêşî	ez heme (he+me)	em hene (he+ne)
kesê diduyan	tu heyî (he+yî)	win hene (he+ne)
kesê sisyan	ew heye (he+ye)	ew hene (he+ne)

Forma neyînî

Forma neyînî bi sê awayî dibe:

a)

	yekjimar	pirjimar
kesê pêşî	ez tineme	em tinene
kesê diduyan	tu tineyî	win tinene
kesê sisyan	ew tineye	ew tinene

b)

	yekjimar	pirjimar
kesê pêşî	ez ne heme	em ne hene
kesê diduyan	tu ne heyî	win ne hene
kesê sisyan	ew ne heye	ew ne hene

c)

	yekjimar	pirjimar
kesê pêşî	ez nînim (nîn+im)	em nînin (nîn+in)
kesê diduyan	tu nînî (nîn+î)	win nînin (nîn+in)
kesê sisyan	ew nîne (nîn+e)	ew nînin (nîn+in)

Çaxê nîşanên kesan "**me**", "**yî**", "**ye**" û "**ne**", yê ko parçekî lêkerê heyînê ne, li pey navan tîn hingî ramana heyînê diyardikin.

a) Navên dawîya wan tîpeke dengdar be, hingî nîşanên kesan "**me**, **yî**, **ye**, **ne**" li pey wan tîn, wek:

Ez pale me.	Em pale ne.
Tu pale yî.	Win pale ne.
Ew pale ye.	Ew pale ne.

b) Navên dawîya wan tîpeke bêdeng be, hingî nîşanên kesan "**im**, **î**, **e**, **in**" li pey wan tîn, wek:

Ez karmend im.	Em karmend in.
Tu karmend î.	Win karmendin.
Ew karmend e.	Ew karmendin.

Nasîn:

Nîşana kesan "ne, in", ya lêkerê "heyînê" bi hersê kesên pirjimar re nayê guhertin. Bo vê yekê û bo jêvcêkirinê dive cînavên kesî bîne bikaranîn, wek:

Em şagirt in.

Win şagirt in.

Em şagirt in.

2. Veguhastina lêkerê "hebûnê"

Dema bihûrtî

Forma erêti

	yekjimar	pirjimar
kesê pêşî	ez hebûm (he+bûm)	em hebûn (he+bûn)
kesê diduyan	tu hebûyî (he+bûyî)	win hebûn (he+bûn)
kesê sisyan	ew hebû (he+bû)	ew hebûn (he+bûn)

Forma neyînî

	yekjimar	pirjimar
kesê pêşî	ez (ti) nebûm	em (ti) nebûn
kesê diduyan	tu (ti) nebûyî	win (ti) nebûn
kesê sisyan	ew (ti) nebû	ew (ti) nebûn

Dema berê (mand)

Forma erêti

	yekjimar	pirjimar
kesê pêşî	ezê hebim (he+bim)	emê hebin (he+bin)
kesê diduyan	tê hebî (he+bî)	winê hebin (he+bin)
kesê sisyan	ewê hebe (he+be)	ewê hebin (he+bin)

Forma neyînî

	yekjimar	pirjimar
kesê pêşî	ezê (ti) nebim	emê (ti) nebin
kesê diduyan	tê (ti) nebî	winê (ti) nebin
kesê sisyan	ewê (ti) nebe	ewê (ti) nebin

Vekît

Di gundê me

Kamûran Bedirxan

Rojhilat e. Ezman hêdfî hêdfî bi rengên sor û zer dikene. Şivan bi pez û seyê xwe ve jî gund derdikeve. Gavan jî dewêr dide hev û ber bi çolê ve diçe. Deriyên xaniyan vedibin û gundî diçin zeviyên xwe. Zaro, jî ber ko dibistan girtî ye jî xwe re digerin, derdikevin çolê, bê diguhêrin. Jin û keçên gund dest bi karê mala xwe dikin. Hin jî kaniyê avê tînin, hin nanê xwe dipêjin û hinek jî beravê dikin. Hinek jî wan jî teşiyê dirêsin, tevn û mafûran çêdikin. Di gund de her kes bi dilovanî dixebite. Gundî hemû tev jî hev dikin, ew dizanin, ko hemû birayên hev in û wek mirovên hov berberiya hevdfî nakin.

KM

Deh hevokan binivîsin, yên di wan de lêkerê "heyînê" hebin!

Metelok

1. Yê ko dest dike dê û bav nakin.
2. Dijminê bêv nabe destê lêw.
3. Her kezîzerek simbêlsorek li pey e.
4. Heçî jinekê bêne, dive tûrek pereyê wî, yan barek derewên wî hebe.
5. Sê gidî hene li dinê, yê li hevrazan vedixwe qelûnê, yê mala xwe datîne rex mala bavê jinê û yê bi rê ve diçe bi tenê.
6. Mirovekî tirsonek her car dimire, yê mêr carekê.
7. Mirin ne hêjayî şînê ye.
8. Mirin mirin e, xirxir çî ye?

Makder

Makder ew bêje ne, yê n ko navê kirinekê yan jî navê bûnekê ne, wek:

birin, bûn, dan, kirin, kirîn û y d.

Hînger

kirina cejnê, **birina** pirtûkê, **dana** xwedê, **kirîna** gulan, **bûna** komarê.

Nasîn1:

Ji hîngerên buhûrtî tê naskirin, ko çaxê makder nav e her û her zayend mê ye û paşdanka hevbendî **"a"** distêne.

Nasîn2:

Eger dawiya rayê makder bêdeng be ew bi paşdanka **"in"** tewadibe be û bi **"n"** eger dengdar be, wek:

Makder	Ra	Paşdank
kirin	kir	in
birin	bir	in
dan	da	n
bûn	bû	n

Pêşdankên afirandina deman

Di zimanê kurdî de sê pêşdankên afirandina deman hene, ew jî ev in:

di, bi, ê

1. Pêşdanka "di"

Pêşdanka "di" bo afirandina dema niha û dema berêyê dirêj tê bikaranîn.

a) Bona dema niha

wek:

Ez **dinivîsim**.

Tu **diçî**.

Ew **dide**.

Em **dibin**.

Win **dileyizin**.

Ew **tajon "diajon"**.

Ez **dizanim**.

b) Bona dema berêyê dirêj

Wek:

Min **digot**.

Şêrîn **diçû**.

Te **dibihîst**.

Wê **dibir**.

Azad **dikirî**.

2. Pêşdanka "bi" û "yê"

Pêşdanka "bi" û "yê" bo afirandina dema werê û bi lêkerên hekeyê re tên bikaranîn

a) Bona dema werê

Wek:

Ezê **bibihîzim**.

Tê (tuyê) **bixwênin**.

Ewê **bajo** (**biajo**).

Emê **biçin**.

Bêrîvanê **bidoşe**.

Ewê **bileyizin**.

b) Bi lêkerên hekêrîyê

Wek:

Minê **bibira**.

Teyê **bixwenda**.

Ewê **bileyista**.

Ra

Afirandina rayên deman

Ra ji makderan tên standin. Di zimanê kurdî de du rayên deman hene, yek bo demên bihûrtî ye û yê bo dema niha, dema werê û dema fermanî ye.

a) Rayên demên bihûrtî

Em rayên demên bihûrtî ji makderê bi avêtina paşdanka "in, n" distênin, ew jî bi vî awayî:

Makder	Rayê dema bihûrtî
kirin	kir
birin	bir
hatin	hat
standin	stand
ketin	ket
gotin	got
çûn	çû

Nasîn:

Rayê demên bihûrtî wek veguhastina lêker e bi kesê yekjimarî sisya re di dema berê bihûrtîde. Wek nimûne:

Lêker	Rayê dema bihûrtî
Wê, wî kir	kir
Wê, wî bir	bir
Ew hat	hat
Wê, wî stand	stand
Ew ket	ket
Wê, wî got	got
Ew çû	çû

Vekît

Bîranînekî

Rojen Barnas

Ev koma stêrka ye li ezman

Ev koma srêrka ye bi keser diçrisin

Û kovanî dirêse bi dilovan

Li kujekî Leyla

Li kujekî Mecnûn

Ev keriyê pezan e, li serê Sîpan

Ev keriyê pezzkoviyan, dil tim bi tirs e

Bîranîneke wan heye ko suhtî hinavan

Çavên wan Xeco

Stro ji Siyamenê dilxwîn

Ev refa kevoka ye li dorên bircan

Ev refa ha, her şev li Birca Belek dilîse

Ji kezebê stranekê distrin,

Straneke ji can

Serpêhatiya Mem û Zînê Radigehênin gerdûn.

Afirandina rayê dema niha

Ji bona afirandina rayê dema niha rêzaneke pêkhatî nîne. Ji her komê lêkeran re bi awakî taybetî rayê dema niha tê afirandin. Lê çaxê em ji lêkerê dema niha pêşdanka "di" û nişana kesan "im, î, e, in" bavêjin, wî çaxî rayê dema niha bidest me dikeve, ew jî bi vî awayî:

Lêker di dema niha de	Cêkirina pêşdanka "di" û nişana kesan	rayê dema niha
Ez dinivîsim	di+nivîs+im	nivîs
Tu dinivîsî	di+nivîs+î	nivîs
Ew dinivîse	di+nivîs+e	nivîs
Em dinivîsin	di+nivîs+in	nivîs
Win dinivîsin	di+nivîs+in	nivîs
Ew dinivîsin	di+nivîs+in	nivîs

Bi vê tê diyarkirin ko "nivîs" rayê dema niha ye û ji makder "nivîsandin" hatiye.

Komên lêkeran

Di zimanê kurdî de sê komên lêkeran hene, ew jî ev in:

1. Lêkerên hîmî,
2. Lêkerên afirandî,
3. Lêkerên cemkirî.

1. Lêkerên hîmî

Lêkerên hîmî ew lêker in, yê ko rayê wan di zimanê kurdî de wek navan

nayên bikaranîn. Rayên wan bi tenê ji bona çêkirina demên bihûrtî û niha tên bikaranîn. Rayê dema bihûrtî û niha ne bi yek awayî dibe.

Hînger 1

Makder	Rayê dema bihûrtî	Rayê dema niha
guhastin	guhast	guhêz
xwestin	xwest	xwaz
leyistin	leyist	leyiz
pêtin	pêt	pêj
avêtin	avêt	avêj
kuştin	kuşt	kuj
gotin	got	bêj
dîtin	dît	bîn
ketin	ket	kev
man	Man	mên
anîn	anî	ên

Nasîn:

Çaxê di hin dawiya lêkerên hîmî de, tîpa "t" hebe, carnan hin wê tavêjin, ev yek jî nedurist e, wek:

got- go

dît- dî

cût- cû

dirût- dirû

Hînger 2

Makder	Rayê dema bihûrtî	Rayê dema niha
dan	da	d
Bûn	bû	b
kirin	kir	k
birin	bir	b
Çûn	çû	ç
xistin	Xîst	x

Ji hîngerên diduyan tê diyarkirin, ko rayê dema niha ji tîpa pêşî, ya rayê dema bihûrtî çêdibe.

Hînger 3

Makder	Rayê dema bihûrtî	Rayê dema niha
dirûtin	dirût	dirû
ajotin	ajot	ajo
cûtin	cût	cû
girtin	girt	gir
kolan	kola	kol
hêrtin	hêrt	hêr

Ji hîngerên sisiyan tê berçavkirin, ko rayê dema niha ji rayê dema bihûrtî tê afirandin bi avêtina tîpa dawî.

Vekît

Mêrê min di şer de ye

Şev e, şeveke tarî. Bayekî sar û xurt tê, berf û baran bi hev re dikevin. Di nav zinar û rêlan de, didaristanan de ba difîkîne, dengê wî kûvî ye. Temo tivinga xwe dide hevalên xwe, bê Zîna xwe nikare. Dev ji hevalan berdide û rêya xaniyê xwe digire.

Ezman bi stêran tijî ye, berf û baran sekinîne, ba daniye, bi tenê ji dûr ve ewrekî reş dilive.

Dengê mêrê wê tê:

- Zîne veke, ez im mêrê te Temo! Zîne derî vedike, li Temo dinere, bi çavekî tal û sar lê mêze dike û jê re dibêje:

- Mêrê min Temo, bi hevalên xwe re di şer de ye. Û derî digire.

KM

Rayê dema bihûrtî û niha, ya van makderan binivîsin: Xwendin, rabûn, hiştin.

Di zimanê kurdî de du texlîtên lêkeran hene, ew jî ev in:

a) Lêkerên saltgîr

b) Lêkerên derhingêv

Lêkerên derhingêv û yên saltgîr bi bandor, raman û veguhastina xwe jêvêcê ne.

a) Lêkerên saltgîr

Lêkerên saltgîr ew lêker in, yên bûnekê yan qewmandinekê nîşan dikin. Dema di hevokê de bi tenê lêker û kirde (subjekt) hebin, hevok durist dibe, wek:

Ez diçim.

Ga mir.

Temo bû.

Ew punjî.

Şoreş wê rabe.

Baran hat.

b) Lêkerên derhingêv

Lêkerên derhingêv ew lêker in, yên di hevokê de têrker dixwazin, wek:

Tu namê dinivîsî.

Te belavok bir.

Wê vekît nivîsan.

Şivan helbest xwend.

Dem û afirandina lêkeran

Di zimanê kurdî de heşt demên lêkeran hene, ew jî ev in:

1. Dema niha.(mand)
2. Dema werê
3. Forma fermanî
4. Dema berê bihûrtî
5. Dema berêyî jî zû de bihûrtî
6. Dema berêyî dirêj
7. Dema berê- niha
8. Demên hekeyî

Veguhastina lêkerên hîmî yên saltgîr

Wek hînker emê lêkerê **"ketin"** bistênin, yê ko xwediyê rayê dema bihûrtî **"ket"** e û rayê dema niha **"kev"** e.

1. Dema niha

Di dema niha de **"di"** bi pêşiya rayê dema niha ve dibe û nîşana kesan bi dawiyê ve dibe, ew jî bi vî rengî.

Forma erêti

	yekjimar	pirjimar
kesê pêşî	ez dikevim	em dikevin
kesê diduyan	tu dikevî	win dikevin
kesê sisyan	ew dikeve	ew dikevin

Forma neyînî

Di forma neyînî de **"an"** şûna **"di"** digre, ew jî bi vî awayî:

	yekjimar	pirjimar
kesê pêşî	ez nakevim	em nakevin
kesê diduyan	tu nakevî	win nakevin
kesê sisyan ew	ew nakeve	ew nakevin

2. Dema werê

Dema werê bi vî awayî çêdibe:

Alavê dema werê **"ê yan jî dê (wê)"** li pey kirde tê, **"bi"** bi rayê dema niha ve dibe û nîşana kesan bi dawiya wî ve dibe, bi vî awayî:

Forma erêti

	yekjimar	pirjimar
kesê pêşî	ezê bikevim	emê bikevin
kesê diduyan	tê (tuyê) bikevî	winê bikevin
kesê sisyan	ewê bikeve	ewê bikevin

Forma neyînî

Du formên neyînî hene, ew jî ev in:

a) Forma pêşî

	yekjimar	pirjimar
kesê pêşî	ezê nekevim	emê nekevin
kesê diduyan	tê nekevî	winê nekevin
kesê sisyan ew	ewê nekeve	ewê nekevin

Di vê forma neyînî de û **"ne"** dikeve şûna **"bi"** û bi rayê dema niha ve nadibe.

b) **Forma diduyan**

	yekjimar	pirjimar
kesê pêşî	ez nakevim	Em nakevin
kesê diduyan	tu nakevî	Win nakevin
kesê sisyan ew	ew nakeve	Ew nakevin

Di vê forma neyînî de alavê dema werê "ê yan jî **dê (wê)**" li pey kirde nayê, "na" dikeve şûna "bi" û bi rayê dema niha ve dibe.

3. Forma fermanî

Forma fermanî bi vî awayî çêdibe:

Di forma erêtî de "bi" bi pêşiya rayê dema niha ve dibe, lê di forma neyînî de "ne" pê ve dibe. Bi kesê diduyan, yê yekjimar re "e" û bi kesê diduyan, yê pirjimar re "in" bi dawiya lêker ve dibe, ew jî bi vî awayî

Forma eretî

kesê diduyan yê yekjimar:

(tu) bike**ve!**
bibe!
bike!

kesê diduyan yê yekjimar:

(win) bike**vin!**
bib**in!**
bik**in!**

Forma neyînî

kesê diduyan yê yekjimar:

(tu) **nekeve!**
nebe!
neke!

kesê diduyan yê yekjimar:

(win) **nekevin!**
nebin!
nekin!

4. Dema berê buhûrtî

Dema berê buhûrtî bi vî awayî çêdibe:

Nîşana kesan li dawiya rayê dema buhûrtî ve dibe:

Forma eretî

	yekjimar	pirjimar
kesê pêşî	ez ketim	em ketin
kesê diduyan	tu ketî	win ketin
kesê sisyan ew	ew ket	ew ketin

Forma neyînî

	yekjimar	pirjimar
--	-----------------	-----------------

kesê pêşî	ez neketim	em neketin
kesê diduyan	tu neketî	win neketin
kesê sisyan ew	ew neket	ew neketin

5. Dema berêyî ji zû de buhurtî

Dema berêyî ji zû de buhurtî bi wî awayî çêdibe:

Lêkerê "**bûn**" di dema berê de bi rayê dema bêrê ve, yê lêkerê hîmî ve dibe û li gor kesan tê veguhastin. Tîpa "î" dikeve nav lêkerê ko dawiya rayê dema wîyî buhurtî tîpeke bêdeng be û nav lêkerê "**bûnê**".

Forma erêtî

	yekjimar	pirjimar
kesê pêşî	ez ketibûm	em ketibûn
kesê diduyan	tu ketibûyî	win ketibûn
kesê sisyan ew	ew ketibû	ew ketibûn

Forma neyînî

	yekjimar	pirjimar
kesê pêşî	ez neketibûm	em neketibûn
kesê diduyan	tu neketibûyî	win neketibûn
kesê sisyan ew	ew neketibû	ew neketibûn

Nasên:

Çaxê "î" bi dawiya rayê dema buhurtî ve dibe, hingî navê kirdeyî tê çêkirin, wek:

bir - birî
da - dayî
got - gotî
hat - hatî
ket – ketî
ma - mayî
mir - mirî
ûym (**û yên mayî**).

Hînger

Temo ketibû.	Temo ketî bû.
Reşo miribû.	Reşo mirî bû.
Ew mabû.	Ew mayî bû.

Hevokên pêşî di dema berêyî ji zû de bulurtî de ne.

6. Dema berêyî dirêj

Dema berêyî dirêj bi vî awayî çêdibe:

Nîşana dema niha "**di**" li pêşiya rayê dema buhurtî ve dibe û nîşana kasan bi dawiya wî ve dibe.

Forma eretî

	yekjimar	pirjimar
kesê pêşî	ez diketim	em diketin
kesê diduyan	tu diketî	win diketin
kesê sisyan ew	ew diket	ew diketin

Forma neyînî

	yekjimar	pirjimar
kesê pêşî	ez nediketim	em nediketin
kesê diduyan	tu nediketî	win nediketin
kesê sisyan ew	Ew nediket	ew nediketin

7. Dema berê- niha

Dema berê- niha bi vî awayî çêdibe:

Nîşana kesan "**me, yî, ye, ne**" bi dawîya rayê dema buhûrtî ve dibe, lê eger dawî rayê dema buhûrtî bêdeng be hingî "î" dikeve nav wan de.

Forma eretî

	yekjimar	pirjimar
kesê pêşî	ez ketime	em ketine
kesê diduyan	tu ketiyî	win ketine
kesê sisyan ew	ew ketiye	ew ketine

Forma neyînî

	yekjimar	pirjimar
kesê pêşî	ez neketime	em neketine
kesê diduyan	tu neketiyî	win neketine
kesê sisyan ew	ew neketiye	ew neketine

8. Demên hekeyî

Çar formên demên hekeyî hene, ew jî bi vî awayî ne:

Dema nihayî hekeyî

Forma eretî

	yekjimar	pirjimar
kesê pêşî	ez bikevim	em bikevin
kesê diduyan	tu bikevî	win bikevin
kesê sisyan ew	ew bikeve	ew bikevin

Forma neyînî

	yekjimar	pirjimar
kesê pêşî	ez nekevim	em nekevin
kesê diduyan	tu nekevî	win nekevin
kesê sisyan ew	ew nekeve	ew nekevin

1. Dema berê forma A

Forma eretî

	yekjimar	pirjimar
kesê pêşî	ez biketama	em ketana
kesê diduyan	tu ketayî	win ketana
kesê sisyan ew	ew keta	ew ketana

Forma neyînî

	yekjimar	pirjimar
kesê pêşî	ez neketama	em neketana
kesê diduyan	tu neketayî	win neketana
kesê sisyan ew	ew neketa	ew neketana

3. Dema berê forma B

Forma eretî

	yekjimar	pirjimar
kesê pêşî	ezê biketama	emê ketana
kesê diduyan	tê (tuyê) ketayî	winê ketana
kesê sisyan ew	ewê keta	ewê ketana

Forma neyînî

	yekjimar	pirjimar
kesê pêşî	ezê neketama	emê neketana
kesê diduyan	tê (tuyê) neketayî	winê neketana
kesê sisyan ew	ewê neketa	ewê neketana

Dema berê forma C

Forma eretî

	yekjimar	pirjimar
kesê pêşî	ez ketibim	em ketibin
kesê diduyan	tu ketibî	win ketibin
kesê sisyan ew	ew ketibe	ew ketibin

Forma neyînî

	yekjimar	pirjimar
kesê pêşî	ez neketibim	em neketibin
kesê diduyan	tu neketibî	win neketibin
kesê sisyan ew	ew neketibe	ew neketibin

KM

Lêkerê "çûn" di hemû deman de di forma erêtî de veguhêzin!

Metelok

1. Aşvan ticaran nabe poşman.
2. Biharê pez, payizê rez, zivistanê ez.
3. Berê darê, darê dixemilêne.
4. Pêşî dest destan dişo, pişt re serî û çavan dişo.
5. Pêşî gotina xwe bipêj, piştire birêj!
6. Bêhna dê ji xaltîkê tê.
7. Bêje rast, raze rast!
8. Bêhna kiz tê mala diz.

Veguhastina lêkerên hîmî yê derhingêv

Veguhastina lêkerên hîmîyî derhingêv di dema niha, ya werê û ya fermanî de wek veguhastina lêkerên saltgêr e. Nîşana kesan û cînavên kesî jî wek hev in.

Emê wek nimûne lêkerê "dîtin" jî nav koma lêkerên hîmîyî derhingêv veguhêzin. Rayê dema buhurtî, ya ditinê "**dît**" e û yê dema niha "**bîn**" e.

1. Dema niha

Forma eretî

	yekjimar	pirjimar
kesê pêşî	ez dibînim	em dibînin
kesê diduyan	tu dibînî	win dibînin
kesê sisyan ew	ew dibîne	ew dibînin

Forma neyînî

	yekjimar	pirjimar
kesê pêşî	ez nabînim	em nabînin
kesê diduyan	tu nabînî	win nabînin
kesê sisyan ew	ew nabîne	ew nabînin

2. Dema werê

Forma eretî

	yekjimar	pirjimar
kesê pêşî	ezê bibînim	emê bibînin
kesê diduyan	tê (tuyê) bibînî	winê bibînin
kesê sisyan ew	Ewê bibîne	ewê bibînin

Forma neyînî

	yekjimar	pirjimar
kesê pêşî	ezê nebînim	emê nebînin
kesê diduyan	tê (tuyê) nebînî	winê nebînin
kesê sisyan ew	Ewê nebîne	ewê nebînin

Nasîn:

Çaxê têrker di hevokê de tê gotin, hingî ew di forma tewandî de tê bikaranîn, li vir têrker **dar** e, wek:

Ez darê dibînim.

Tu darê dibînî.

Ew darê dibîne.

Em darê dibînin.

Win darê dibînin.

Ew darê dibînin.

3. Forma fermanî

Forma eretî

	yekjimar	pirjimar
kesê diduyan	tu bibîne!	win bibînin!

Forma neyîni

	yekjimar	pirjimar
kesê diduyan	tu nebîne!	win nebînin!

Veguhastina lêkerên hîmî yê derhingêv di demên buhûrtî de.

Ew bi du awayan dibe:

A) Çaxê têrker di hevokê de nayê gotin

Çaxê têrker di hevokê de nayê gotin, lêker nayê veguhastin her wek rayê xwe dimêne, lê kirde tê tewandin, ew jî bi vî awayî:

4. Dema berê buhûrtî

Forma eretî

	yekjimar	pirjimar
kesê pêşî	min dît	me dît
kesê diduyan	te dît	we dît
kesê sisyan ew	wê, wî dît	wan dît

Forma neyîni

	yekjimar	pirjimar
kesê pêşî	min nedît	me nedît
kesê diduyan	te nedît	we nedît
kesê sisyan ew	wê, wî nedît	wan nedît

5. Dema berê ya ji zû de buhûrtî

Forma eretî

	yekjimar	pirjimar
kesê pêşî	min dît ibû	me dît ibû
kesê diduyan	te dît ibû	we dît ibû
kesê sisyan ew	wê, wî dît ibû	wan dît ibû

Forma neyîni

	yekjimar	pirjimar
kesê pêşî	min nedît ibû	me nedît ibû
kesê diduyan	te nedît ibû	we nedît ibû
kesê sisyan ew	wê, wî nedît ibû	wan nedît ibû

6. Dema bereyî dirêj

Forma eretî

	yekjimar	pirjimar
kesê pêşî	min didît	me didît
kesê diduyan	te didît	we didît
kesê sisyan ew	wê, wî didît	wan didît

Forma neyîni

	yekjimar	pirjimar
kesê pêşî	min nedîdît	me nedîdît
kesê diduyan	te nedîdît	we nedîdît
kesê sisyan ew	wê, wî nedîdît	wan nedîdît

7. Dema berê-niha

Forma eretî

	yekjimar	pirjimar
kesê pêşî	min dîtiye	me dîtiye
kesê diduyan	te dîtiye	we dîtiye
kesê sisyan ew	wê, wî dîtiye	wan dîtiye

Forma neyînî

	yekjimar	pirjimar
kesê pêşî	min nedîtiye	me nedîtiye
kesê diduyan	te nedîtiye	we nedîtiye
kesê sisyan ew	wê, wî nedîtiye	wan nedîtiye

8. Demên hekeyî

I. Dema berê forma A

Forma eretî

	yekjimar	pirjimar
kesê pêşî	min bidîta	me bidîta
kesê diduyan	te bidîta	we bidîta
kesê sisyan ew	wê, wî bidîta	wan bidîta

Forma neyînî

	yekjimar	pirjimar
kesê pêşî	min nedîta	me nedîta
kesê diduyan	te nedîta	we nedîta
kesê sisyan ew	wê, wî nedîta	wan nedîta

II. Dema berê forma B

Forma eretî

	yekjimar	pirjimar
kesê pêşî	minê bidîta	meyê bidîta
kesê diduyan	teyê bidîta	weyê bidîta
kesê sisyan ew	wê, wîyê bidîta	wanê bidîta

Forma neyînî

	yekjimar	pirjimar
kesê pêşî	minê nedîta	meyê nedîta
kesê diduyan	teyê nedîta	weyê nedîta
kesê sisyan ew	wê, wîyê nedîta	wanê nedîta

Nasîn:

Wek li jor tê dîtî, çaxê du tîpên dengadar digehine hev hingî tîpa "y" dikeve nav wan tîpan.

III. Dema berê forma C

Forma eretî

	yekjimar	pirjimar
kesê pêşî	min dîtibe	me dîtibe
kesê diduyan	te dîtibe	we dîtibe
kesê sisyan ew	wê, wî dîtibe	wan dîtibe

Forma neyînî

	yekjimar	pirjimar
kesê pêşî	min nedîtibe	me nedîtibe
kesê diduyan	te nedîtibe	we nedîtibe
kesê sisyan ew	wê, wî nedîtibe	wan nedîtibe

IV. Dema nihayî hekêyî

Forma eretî

	yekjimar	pirjimar
kesê pêşî	ez bibînim	em bibînin
kesê diduyan	tu bibînî	win bibînin
kesê sisyan ew	ew bibîne	ew bibînin

Forma neyînî

	yekjimar	pirjimar
kesê pêşî	ez nebînim	em nebînin
kesê diduyan	tu nebînî	win nebînin
kesê sisyan ew	ew nebîne	ew nebînin

B) Çaxê têrker di hevokê de bête gotin

Çaxê têrker di hevokê de hebe hingî lêker bi vî awayî tê veguhastin:

- Nîşana kesan bi dawiya rayê dema berê ve dibe, lê ji aliyê jimarê ve li gor têrker e.
- Têrker di forma rast de tê bikaranîn.
- Kirde di forma tewandî de tê bikaranîn.

4. Dema berê bihûrtî

Forma eretî

	yekjimar	pirjimar
kesê pêşî	te, (wê, wî, we, wan) ez dîtîm	te (wê, wî, we, wan) em dîtîm
kesê diduyan	min (wê, wî, we, wan) tu dîtî	min (te, wê, wî, me, wan) win dîtîm
kesê sisyan ew	min (te, wê, wî, we, wan) ew dîtî	min (te, wê, wî, me, we) ew dîtîm

Forma neyînî

	yekjimar	pirjimar
kesê pêşî	te, (wê, wî, we, wan) ez nedîtîm	te (wê, wî, we, wan) em nedîtîm
kesê diduyan	min (wê, wî, we, wan) tu nedîtî	min (te, wê, wî, me, wan) win nedîtîm

kesê sisyan ew	min (te, wê, wî, we, wan) ew nedît	min (te, wê, wî, me, we) ew nedîtin
-----------------------	---	--

5. Dema berêyî ji zû de bihûrtî

Forma eretî

	yekjimar	pirjimar
kesê pêşî	te, (wê, wî, we, wan) ez dîtîbûm	te (wê, wî, we, wan) em dîtîbûn
kesê diduyan	min (wê, wî, we, wan) tu dîtîbûyî	min (te, wê, wî, me, wan) win dîtîbûn
kesê sisyan ew	min (te, wê, wî, we, wan) ew dîtîbû	min (te, wê, wî, me, we) ew dîtîbûn

Forma neyînî

	yekjimar	pirjimar
kesê pêşî	te, (wê, wî, we, wan) ez nedîtîbûm	te (wê, wî, we, wan) em nedîtîbûn
kesê diduyan	min (wê, wî, we, wan) tu nedîtîbûyî	min (te, wê, wî, me, wan) win nedîtîbûn
kesê sisyan ew	min (te, wê, wî, we, wan) ew nedîtîbû	min (te, wê, wî, me, we) ew nedîtîbûn

6. Dema berêyî dirêj

Forma eretî

	yekjimar	pirjimar
kesê pêşî	te, (wê, wî, we, wan) ez didîtîm	te (wê, wî, we, wan) em didîtîn
kesê diduyan	min (wê, wî, we, wan) tu didîtî	min (te, wê, wî, me, wan) win didîtîn
kesê sisyan ew	min (te, wê, wî, we, wan) ew didît	min (te, wê, wî, me, we) ew didîtîn

Forma neyînî

	yekjimar	pirjimar
kesê pêşî	te, (wê, wî, we, wan) ez nedidîtîm	te (wê, wî, we, wan) em nedidîtîn
kesê diduyan	min (wê, wî, we, wan) tu nedidîtî	min (te, wê, wî, me, wan) win nedidîtîn
kesê sisyan ew	min (te, wê, wî, we, wan) ew nedidît	min (te, wê, wî, me, we) ew nedidîtîn

7. Dema berê nîha

Forma eretî

	yekjimar	pirjimar
kesê pêşî	te, (wê, wî, we, wan) ez dîtîme	te (wê, wî, we, wan) em dîtîne
kesê diduyan	min (wê, wî, we, wan) tu dîtîyî	min (te, wê, wî, me, wan) win dîtîne
kesê sisyan ew	min (te, wê, wî, we, wan) ew dîtîye	min (te, wê, wî, me, we) ew dîtîne

Forma neyînî

	yekjimar	pirjimar
kesê pêşî	te, (wê, wî, we, wan) ez nedîtîme	te (wê, wî, we, wan) em nedîtîne
kesê diduyan	min (wê, wî, we, wan) tu nedîtîyî	min (te, wê, wî, me, wan) win nedîtîne
kesê sisyan ew	min (te, wê, wî, we, wan) ew nedîtîye	min (te, wê, wî, me, we) ew nedîtîne

8. Demên hekêyî

I. Dema berêyî forma A

Forma eretî

	yekjimar	pirjimar
kesê pêşî	te, (wê, wî, we, wan) ez bidîtama	te (wê, wî, we, wan) em bidîtana
kesê diduyan	min (wê, wî, we, wan) tu bidîtayî	min (te, wê, wî, me, wan) win bidîtana
kesê sisyan ew	min (te, wê, wî, we, wan) ew bidîta	min (te, wê, wî, me, we) ew bidîtana

Forma neyînî

	yekjimar	pirjimar
kesê pêşî	te, (wê, wî, we, wan) ez nedîtama	te (wê, wî, we, wan) em nedîtana
kesê diduyan	min (wê, wî, we, wan) tu nedîtayî	min (te, wê, wî, me, wan) win nedîtana
kesê sisyan ew	min (te, wê, wî, we, wan) ew nedîta	min (te, wê, wî, me, we) ew nedîtana

II. Dema berêyî forma B

Forma eretî

	yekjimar	pirjimar
kesê pêşî	teyê, (wê, wî, we, wan) ez dîtama	teyê (wê, wî, we, wan) em dîtana
kesê diduyan	minê (wê, wî, we, wan) tu dîtayî	minê (te, wê, wî, me, wan) win dîtana
kesê sisyan ew	minê (te, wê, wî, we, wan) ew dîta	minê (te, wê, wî, me, we) ew dîtana

Forma neyînî

	yekjimar	pirjimar
kesê pêşî	teyê, (wê, wî, we, wan) ez nedîtama	teyê (wê, wî, we, wan) em nedîtana
kesê diduyan	minê (wê, wî, we, wan) tu nedîtayî	minê (te, wê, wî, me, wan) win nedîtana
kesê sisyan ew	minê (te, wê, wî, we, wan) ew nedîta	minê (te, wê, wî, me, we) ew nedîtana

III. Dema berêyî forma C

Forma eretî

	yekjimar	pirjimar
kesê pêşî	te, (wê, wî, we, wan) ez dîtîbim	te (wê, wî, we, wan) em dîtîbin
kesê diduyan	min (wê, wî, we, wan) tu dîtîbî	minê (te, wê, wî, me, wan) win dîtîbin
kesê sisyan ew	min (te, wê, wî, we, wan) ew dîtîbe	minê (te, wê, wî, me, we) ew dîtîbin

Forma neyînî

	yekjimar	pirjimar
kesê pêşî	te, (wê, wî, we, wan) ez nedîtîbim	te (wê, wî, we, wan) em nedîtîbin
kesê diduyan	min (wê, wî, we, wan) tu nedîtîbî	minê (te, wê, wî, me, wan) win nedîtîbin
kesê sisyan ew	min (te, wê, wî, we, wan) ew nedîtîbe	minê (te, wê, wî, me, we) ew nedîtîbin

IV. Dema nihayî hekêyî

Forma eretî

	yekjimar	pirjimar
kesê pêşî	ez (te, wê, wî, me, we, wan) bibînim	em (te, wê, wî, we, wan) bibînin
kesê diduyan	tu (min, wê, wî, me, we, wan) bibînî	win (min, te, wê, wî, me, wan) bibînim
kesê sisyan ew	ew (te, wê, wî, me, we, wan) bibîne	ew (min, te, wê, wî, me, we, wan) bibînim

Forma neyînî

	yekjimar	pirjimar
kesê pêşî	ez (te, wê,wî, me, we, wan) nebînim	em (te, wê, wî, we, wan) nebînin
kesê diduyan	tu (min, wê,wî, me, we, wan) nebînî	win (min, te, wê,wî, me, wan) nebînim
kesê sisyan ew	ew (te, wê,wî, me, we, wan) nebîne	ew (min, te, wê,wî, me, we, wan) nebînim

Nasîn:

Çaxê bi lêkerên derhingêv re nav kirde be, ew jî wek cînavên di nimûneyên jor de, di forma tewandî de tên bikaranîn.

Hînger

Keçikê xort dît.
Keçikê xort dîtin.
Keçikan xort dît.
Keçikan xort dîtin.
Xort keçik dît.
Xort keçik dîtin.
Xortan keçik dît.
Xortan keçik dîtin.

Êgir dar şewitand.
Latê rê girt.

KM

Lêkerê hîmiyî derhingêv "birin" di demên berê de veguhezin û bila têrker di hevokê de hebe!

Lêkerên afirandî ji navan û rayên lêkeran çêdibin. Afirandina lêkerên afirandiya saltgîr bi alîkariya paşdanka "în" çêdibe û afirandina, yê derhingêv bi alîkariya "andin" çêdibe.

1. Çêkirina lêkerên afirandî ji navan

a)

Nav	Lêkerên saltgîr	Lêkerên derhingêv
rev	revîn	revandin
ger	gerîn	gerandin
ken	kenîn	kenandin
tirs	tirsîn	tirsandin
fir	firîn	firandin
bez	bezîn	bezandin

b)

Nav	Lêkerên saltgîr	Lêkerên derhingêv
lebat	lebitî n	lebit andin
xebat	xebitî n	xebit andin
werm	wermî n	Werm andin

2. Çêkirina lêkerên afirandî ji rayên dema niha yê lêkerên saltgîr

Ev lêkerên afirandî ji rayê dema niha yê lêkerên saltgîr bi alîkariya paşdanka "**andin**" çêdibe, ew jî bi vî awayî:

lêkerên saltgîr	rayê dema berê	rayê dema niha	lêkerên derhingêv
nalîn	nalî	nal	nal andin
hinijîn	hînijî	hînij	hînij andin
peritîn	peritî	perit	perit andin
şewitîn	şewitî	şewit	şewit andin

Çêkirina rayan ji lêkerên afirandî

Rayê dema berê û niha ji lêkerên afirandî bi vî awayî çêdibe:

a) Ji dawiya makdêrên lêkerên afirandî yê derhingêv "**in**" tê avêtin, parçê mayî rayê dema berê ye.

Ji dawiya rayê dema berê "**d**" tê avêtin û tîpa dengdêr "**a**" dibe "**ê**" yan jî "**î**" li gor hin zaravên kurdî, êdî rayê dema niha bi dest me dikeve.

Makder	Rayê dema berê	Rayê dema niha
revandin	revand	revên (revîn)
kelandin	keland	kelên (kelîn)
gerandin	gerand	gerên (gerîn)
şewitandin	şewitand	şewitên (şewitîn)

b) Ji dawiya makdêrên afirandî, yê lêkerên saltgîr "**n**" tê avêtin, parçê mayî rayê dema berê ye.

Ji rayê dema berê "**n**" tê avêtin, êdî parçê mayî tê jimartin rayê dema niha.

Makder	Rayê dema berê	Rayê dema niha
nalîn	nalî (ew nîlî)	nal (ew dinale)
revîn	revî	rev
gerîn	gerî	ger
lebitîn	lebitî	lebit
xebitîn	xebitî	xebit
peritîn	peritî	perit
şewitîn	şewitî	şewit

Veguhastina lêkerên afirandiyê saltgêr

Li jêr emê lêkerê "**firîn**" wek nimûnekî ji lêkerên afirandiyê saltgêrveguhêrin:

1. Dema niha

Forma eretî

	yekjimar	pirjimar
kesê pêşî	ez difirim	em difirin
kesê diduyan	tu difirî	win difirin
kesê sisyan ew	ew dirire	ew difirin

Forma neyînî

	yekjimar	pirjimar
kesê pêşî	ez nafirim	em nafirin
kesê diduyan	tu nafirî	win nafirin
kesê sisyan ew	ew nadirire	ew nafirin

2. Dema werê

Forma eretî

	yekjimar	pirjimar
kesê pêşî	ezê bifirim	emê bifirin
kesê diduyan	tê bifirî	winê bifirin

kesê sisyan ew	ewê bifire	ewê bifirin
-----------------------	------------	-------------

Forma neyînî

	yekjimar	pirjimar
kesê pêşî	ezê nefirim	emê nefirin
kesê diduyan	tê nefirî	winê nefirin
kesê sisyan ew	ewê nefire	ewê nefirin

3. Forma fermanî

Forma eretî

	yekjimar	pirjimar
kesê diduyan	tu bifire!	win bifirin!

Forma neyînî

	yekjimar	pirjimar
kesê diduyan	tu nefire!	win nefirin!

4. Dema berê buhûrtî

Forma eretî

	yekjimar	pirjimar
kesê pêşî	ez firîm	em firîn
kesê diduyan	tu firî	win firîn
kesê sisyan ew	ew firî	ew firîn

Forma neyînî

	yekjimar	pirjimar
kesê pêşî	ez nefirîm	em nefirîn
kesê diduyan	tu nefirî	win nefirîn
kesê sisyan ew	ew nefirî	ew nefirîn

5. Dema berêyî ji zû de buhûrtî

Forma eretî

	yekjimar	pirjimar
kesê pêşî	ez firîbûm	em firîbûn
kesê diduyan	tu firîbûyî	win firîbûn
kesê sisyan ew	ew firîbûn	ew firîbûn

Forma neyînî

	yekjimar	pirjimar
kesê pêşî	ez nefirîbûm	em nefirîbûn
kesê diduyan	tu nefirîbûyî	win nefirîbûn
kesê sisyan ew	ew nefirîbûn	ew nefirîbûn

6. Dema berêyî dirêj

kesê pêşî ez difirîm (difiriyam) em difirîn

kesê diduyan tu difirî win difirin

kesê sisyan ew difirî ew difirîn

Forma eretî

	yekjimar	pirjimar
kesê pêşî	ez difirîm	em difirîn
kesê diduyan	tu difirî	win difirin

kesê sisyan ew	ew difirî	ew difirîn
-----------------------	-----------	------------

Forma neyînî

	yekjimar	pirjimar
kesê pêşî	ez nedifirîm	em nedifirîn
kesê diduyan	tu nedifirî	win nedifirin
kesê sisyan ew	ew nedifirî	ew nedifirîn

7. Dema berê- niha

Forma eretî

	yekjimar	pirjimar
kesê pêşî	ez firîme	em firîne
kesê diduyan	tu firiyî	win firîne
kesê sisyan ew	ew firiye	ew firîne

Forma neyînî

	yekjimar	pirjimar
kesê pêşî	ez nefirîme	em nefirîne
kesê diduyan	tu nefiriyî	win nefirîne
kesê sisyan ew	ew nefiriye	ew nefirîne

8. Demên hekeyî

I. Deam berê forma A

Forma eretî

	yekjimar	pirjimar
kesê pêşî	ez bifiriyama	em bifiriyana
kesê diduyan	tu bifiriyayî	win bifiriyana
kesê sisyan ew	ew bifiriya	ew bifiriyana

Forma neyînî

	yekjimar	pirjimar
kesê pêşî	ez nefiriyame	em nefiriyana
kesê diduyan	tu nefiriyayî	win nefiriyana
kesê sisyan ew	ew nefiriya	ew nefiriyana

II. Dema berê forma B

kesê pêşî ezê bifiriyama em bifiriyana

kesê diduyan tê bifiriyayî winê bifiriyana

kesê sisyan ewê bifiriya ewê bifiriyana

Forma eretî

	yekjimar	pirjimar
kesê pêşî	ezê bifiriyama	emê bifiriyana
kesê diduyan	tê bifiriyayî	winê bifiriyana
kesê sisyan ew	ewê bifiriya	ewê bifiriyana

Forma neyînî

	yekjimar	pirjimar
kesê pêşî	ezê nefiriyama	emê nefiriyana
kesê diduyan	tê nefiriyayî	winê nefiriyana
kesê sisyan ew	ewê nefiriya	ewê nefiriyana

III. Dema berê forma C

Forma eretî

	yekjimar	pirjimar
kesê pêşî	ez firîbim	em firîbin
kesê diduyan	tu firîbî	win firîbin
kesê sisyan ew	ew firîbe	ew firîbin

Forma neyînî

	yekjimar	pirjimar
kesê pêşî	ez nefirîbim	em nefirîbin
kesê diduyan	tu nefirîbî	win nefirîbin
kesê sisyan ew	ew nefirîbe	ew nefirîbin

IV. Dema nihayî hebeyî

kesê pêşî ez bifirim em bifirin

kesê diduyan tu bifirî win bifirin

kesê sisyan ew bifire ew bifirin

Forma eretî

	yekjimar	pirjimar
kesê pêşî	ez bifirim	em bifirin
kesê diduyan	tu bifirî	win bifirin
kesê sisyan ew	ew bifire	ew bifirin

Forma neyînî

	yekjimar	pirjimar
kesê pêşî	ez nefirim	em nefirin
kesê diduyan	tu nefirî	win nefirin
kesê sisyan ew	ew nefire	ew nefirin

KM

Lêkerê "firandin" veguhêzin!

Lêkerên cemkirî ji çend parçan biheketîne, ew jî ji:

- a) pêşdank
- b) nav yan rengdêr
- c) lêkerê alîkar

Bi alîkariya lêkerên alîkar, lêkerên cemkirî çêdibin. Di zimanê kurdî de ev lêkerên jêrîn tev jimartin wek lêkerên alîkar:

kirin, bûn, dan, xistin

ûyd.

Çaxê pêşdank, nav yan rengdêr bi pêşiya lêkerên alîkar ve dibin, hingî lêkerên nû bi watene nû çêdibin.

a) **Pêşdank + Lêkerê alîkar**

Beşek ji pêşdankan ev in:

1. **ber, da, der, hil, nav, paş, pêş, pey, ra, rû, ve, vê, wer, ...**
2. **jê,jev, lê, lev, pê, pev, tê, tev, ...**
3. **bipaşde, bipêşde, biserde, dinavde, dinavre, direxre, diserre, dişûnde, diwirde, ...**

Hînger

A)

ber:

beravêtin, berdan, bergirtin, berketin, berkirin, bernivîsin, berxistin, ...

da:

dadan, dagirtin, daketin, dakirin, dapalandin, daxistin,

der:

deranîn, deravêtin, derbûn, derdan, derketin, derxistin,

hil:

hilavêtin, hilbûn, hildan, hilgirt, hilhatin, hilkirin, hilşandin, ...

paş:

paşketin, paşman, paşxistin, ...

pêş:

pêşbirin, pêşçûn, pêşdan, pêşhatin, pêşketin, pêşxistin, ...

pey:

peyçûn, peygerandin, peygerîn, peyhatin, peyman, peyxistin, ...

ra:

rabûn, raketin, rakirin, rakişandin, rakişên, raxistin, razan, ...

rû:

rûdan, rûniştin, rûstandin, ...

ser:

serdan, serketin, serreşandin, serxistin, ...

ve:

vebûn, vedan, veğerandin, vegirtin, vekirin, venurandin veşartin, ...

wer:

werbûn, werdan, wergerandin, wergerîn werhatin, werkirin, ...

B)

jê (ji wî, ji wê):

jêhatin, jêketin, jêkirin, jêstandin, ...

jev (ji hev):

jevberin, jevbûn, jevçûn, jevketin, ...

lê (li wî, li wê):

lêdan, lêhatin, lêketin, lêkirin, , lêxistin, ...

lev (li hev):

levanîn, levdan, levhatin, levketin, levxistin, ...

pê (bi wî, bi wê):

pêdan, pêkenîn, pêketin, pêkirin, pêman, ...

pev (bi hev:):

pevhatin, pevketin, pevkirin, pevxistin, ...

tê (bi wî, bi wê):

têçûn, têdan, têkirin, têketin, têxistin, ...

tev (di hev):

tevbûn, tevdan, tevkirin, tevxistin, ...

C)

bipaşde:

bipaşdeberin bipaşdeçûn, bipaşdedan bipaşdeman, bipaşdexistin, ...

bipêşde:

bipêşdeberin, bipêşdeçûn, bipêşdedan, bipêşdexistin, ...

bişûnde:

bişûndeberin, bişûndedan, bişûndeman, bişûndexistin, ...

diberre:

diberreajotin, diberreçûn, diberrefirîn, diberrekirin, ...

dinavre:

dinavreajotin, dinavreberin, dinavreçûn, dinavrekirin, ...

direxre:

direxreajotin, direxreberin, direxreçûn, direxrehatin, ...

diserre:

diserreajotin, diserreavêtin, diserreberin, diserreçûn, diserreferîn, ...

**b) Nav û rengder + lêkerên alîkar
Hînger**

nav + bûn:

hêrbûn, hînbûn, qeşabûn, rêwîbûn

nav + dan:

bersivdan, destdan, sozdan

nav + dîtin:

kardîtin, tehlîdîtin, xweşîdîtin

nav + girtin:

cihgirtin, çavgirtin, destgirtin

nav + ketin:

çavketin, qeşaketin, rêketin, xwîsîketin

nav + kirin:

derewkirin, gilîhkirin, ramankirin

nav + kişandin:

derdkişandin, kînkîşandin

nav + xistin:

bêxistin, destxistin, rêxistin

**c) Rengdêr+lêkerên alîkar
Hînger**

rengdêr + kirin:

başkirin, hûrkirin, sorkirin, xwarkirin

rengdêr + bûn:

keskbûn, korbûn, sarbûn

rengdêr + ketin:

dûrketin, derengketin, nexweşketin

rengdêr + man:

behîtîman, matman, şaşman

**ç) Bêjeyên ducarkirî+lêkerên alîkar
Hînger**

bêjeyên ducarkirî + bûn:

dûredûrîbûn, sistesistîbûn

bêjeyên ducankirî+kirin:

lewlewkirin, nalenalkirin, pelpelkîrin, pistepistkîrin, qîjeqîjkîrin qulqulkîrin.

Veguhastina lêkerên cemkirî

Lêkerên cemkirî bi awayê li jêr tînin veguhastin, û nimûne ji nav wan lêkerê cemkirî "**derketin**" e:

1. - Dema niha

Forma eretî

	yekjimar	pirjimar
kesê pêşî	ez der di kevîm	em der di kevin
kesê diduyan	tu der di kevî	win der di kevin
kesê sisyan ew	ew der di keve	ew der di kevin

Forma neyînî

	yekjimar	pirjimar
kesê pêşî	ez der na kevîm	em der na kevin
kesê diduyan	tu der na kevî	win der na kevin
kesê sisyan ew	ew der na keve	ew der na kevin

2. Dema werê

Di dema werê de lêkerên cemkirî pêşdanka **"bi"** nastênin.

Forma eretî

	yekjimar	pirjimar
kesê pêşî	ez ê derkevîm	em ê derkevin
kesê diduyan	t ê derkevî	win ê derkevin
kesê sisyan ew	ew ê derkeve	ew ê derkevin

Forma neyînî

	yekjimar	pirjimar
kesê pêşî	ez ê der ne kevîm	em ê der ne kevin
kesê diduyan	t ê der ne kevî	win ê der ne kevin
kesê sisyan ew	ew ê der ne keve	ew ê der ne kevin

3. Forma fermanî

Forma erêtî

Forma eretî

	yekjimar	pirjimar
kesê diduyan	tu derkeve !	win derkevin !

Forma neyînî

	yekjimar	pirjimar
kesê diduyan	tu der ne keve !	win der ne kevin !

Nasîn:

Di forma fermanî de lêkerên cemkirî pêşdanka **"bi"** nastênin. Nîşana neyînê **"ne"** carnan dikeve pêşiya lêkerê fermanî de, wek:

neraxe! **neraxin!**
nehilgire! **nehilgirin!**
nerakeve! **nerakevin!**

4. Dema berê buhûrtî

Forma eretî

	yekjimar	pirjimar
kesê pêşî	ez derketim	em derketin
kesê diduyan	tu derketî	win derketin
kesê sisyan ew	ew derket	ew derketin

Forma neyînî

	yekjimar	pirjimar
kesê pêşî	ez derneketim	em derneketin
kesê diduyan	tu derneketî	win derneketin
kesê sisyan ew	ew derneket	ew derneketin

5. Dema berêyî ji zû de buhûrtî

Forma eretî

	yekjimar	pirjimar
kesê pêşî	ez derketibûm	em derketibûn
kesê diduyan	tu derketibûyî	win derketibûn
kesê sisyan ew	ew derketibû	ew derketibûn

Forma neyînî

	yekjimar	pirjimar
kesê pêşî	ez derneketibûm	em derneketibûn
kesê diduyan	tu derneketibûyî	win derneketibûn
kesê sisyan ew	ew derneketibû	ew derneketibûn

6. Dema berêyî dirêj

Forma eretî

	yekjimar	pirjimar
kesê pêşî	ez derdikeitim	em derdiketin
kesê diduyan	tu derdikeitî	win derdiketin
kesê sisyan ew	ew derdiket	ew derdiketin

Forma neyînî

	yekjimar	pirjimar
kesê pêşî	ez dernedikeitim	em dernediketin
kesê diduyan	tu dernedikeitî	win dernediketin
kesê sisyan ew	ew dernediket	ew dernediketin

7. Dema berê- niha

Forma eretî

	yekjimar	pirjimar
kesê pêşî	ez derketime	em derketine
kesê diduyan	tu derketiyî	win derketine
kesê sisyan ew	ew derketiye	ew derketine

Forma neyînî

	yekjimar	pirjimar
kesê pêşî	ez derneketime	em derneketine
kesê diduyan	tu derneketiyî	win derneketine
kesê sisyan ew	ew derneketiye	ew derneketine

8. Demên hekeyî

Di demên hekeyî de lêkerên cemkirî pêşdanka **"bi"** nastênin.

I. Dema berê forma A

Forma eretî

	yekjimar	pirjimar
kesê pêşî	ez derketama	em derketana
kesê diduyan	tu derketayî	win derketana
kesê sisyan ew	ew derketa	Ew derketana

Forma neyînî

	yekjimar	pirjimar
kesê pêşî	ez derneketama	em derneketana
kesê diduyan	tu derneketayî	win derneketana
kesê sisyan ew	ew derneketa	Ew derneketana

II. Dema berê forma B

Forma eretî

	yekjimar	pirjimar
kesê pêşî	ezê derketama	emê derketana
kesê diduyan	tê derketayî	winê derketana
kesê sisyan ew	ewê derketa	ewê derketana

Forma neyînî

	yekjimar	pirjimar
kesê pêşî	ezê derneketama	emê derneketana
kesê diduyan	tê derneketayî	winê derneketana
kesê sisyan ew	ewê derneketa	ewê derneketana

III. Dema berê forma C

Forma eretî

	yekjimar	pirjimar
kesê pêşî	ez derketibim	em derketibin
kesê diduyan	tu derketibî	win derketibin
kesê sisyan ew	ew derketibe	ew derketibin

Forma neyînî

	yekjimar	pirjimar
kesê pêşî	ez derneketibim	em derneketibin
kesê diduyan	tu derneketibî	win derneketibin
kesê sisyan ew	ew derneketibe	ew derneketibin

IV. Dema nihayî hebeyî

Forma eretî

	yekjimar	pirjimar
kesê pêşî	ez derkevim	em derkevin
kesê diduyan	tu derkevî	win derkevin
kesê sisyan ew	ew derkeve	ew derkevin

Forma neyînî

	yekjimar	pirjimar
kesê pêşî	ez dernekevim	em dernekevin
kesê diduyan	tu dernekevî	win dernekevin
kesê sisyan ew	ew dernekeve	ew dernekevin

KM

Lêkerê "hilgirtin" di hemû deman de veguhêzin.

Di zimanê me de sê formên kirîne hene, ew jî ev in:

a) forma "bi xwe kirin"

b) forma "hatin kirin"

c) forma "dane kirin"

a) Forma "bi xwe kirin"

Forma bi xwe kirin ew e, ko kirde bi vîna xwe karekekî yan tiştekî dike û kirin û bûn bi destê wî ye.

Veguhastina lêkeran di forma bi xwe kirinê de

Wek hînker emê lêkerê kirin veguhêzin.

1. Dema niha

Forma eretî

	yekjimar	pirjimar
kesê pêşî	ez dikim	em dikin
kesê diduyan	tu dikî	win dikin
kesê sisyan ew	ew dike	ew dikin

Forma neyînî

	yekjimar	pirjimar
kesê pêşî	ez nakim	em nakin
kesê diduyan	tu nakî	win nakin
kesê sisyan ew	ew nake	ew nakin

2. Dema werê

Forma eretî

	yekjimar	pirjimar
kesê pêşî	ezê bikim	emê bikin
kesê diduyan	tê bikî	winê bikin
kesê sisyan ew	ewê bike	ewê bikin

Forma neyînî

	yekjimar	pirjimar
kesê pêşî	ezê nekim	emê nekin
kesê diduyan	tê nekî	winê nekin
kesê sisyan ew	ewê neke	ewê nekin

3. Forma fermanî

Forma eretî

	yekjimar	pirjimar
kesê diduyan	tu bike!	win bikin!

Forma neyîni

	yekjimar	pirjimar
kesê diduyan	tu neke!	win nekin!

4. Dema berê buhûrtî

Forma eretî

	yekjimar	pirjimar
kesê pêşî	min kir	me kir
kesê diduyan	te kir	we kir
kesê sisyan ew	wê (wî) kir	wan kir

Forma neyîni

	yekjimar	pirjimar
kesê pêşî	min nekir	me nekir
kesê diduyan	te nekir	we nekir
kesê sisyan ew	wê (wî) nekir	wan nekir

5. Dema bereyî ji zû de buhûrtî

Forma eretî

	yekjimar	pirjimar
kesê pêşî	min kir ibû	me kir ibû
kesê diduyan	te kir ibû	we kir ibû
kesê sisyan ew	wê (wî) kir ibû	Wan kir ibû

Forma neyîni

	yekjimar	pirjimar
--	-----------------	-----------------

kesê pêşî	min nekiribû	me nekiribû
kesê diduyan	te nekiribû	we nekiribû
kesê sisyan ew	wê (wî) nekiribû	Wan nekiribû

6. Dema berêyî dirêj

Forma eretî

	yekjimar	pirjimar
kesê pêşî	min dikir	me dikir
kesê diduyan	te dikir	we dikir
kesê sisyan ew	wê (wî) dikir	wan dikir

Forma neyînî

	yekjimar	pirjimar
kesê pêşî	min nedikir	me nedikir
kesê diduyan	te nedikir	we nedikir
kesê sisyan ew	wê (wî) nedikir	wan nedikir

7. Dema berên- niha

Forma eretî

	yekjimar	pirjimar
kesê pêşî	min kiriye	me kiriye
kesê diduyan	te kiriye	we kiriye
kesê sisyan ew	wê (wî) kiriye	wan kiriye

Forma neyînî

	yekjimar	pirjimar
kesê pêşî	min nekiriye	me nekiriye
kesê diduyan	te nekiriye	we nekiriye
kesê sisyan ew	wê (wî) nekiriye	wan nekiriye

8. Demên hekeyî

I. Dema berê forma A

Forma eretî

	yekjimar	pirjimar
kesê pêşî	min bikira	me bikira
kesê diduyan	te bikira	we bikira
kesê sisyan ew	wê (wî) bikira	wan bikira

Forma neyînî

	yekjimar	pirjimar
kesê pêşî	min nekira	me nekira
kesê diduyan	te nekira	we nekira
kesê sisyan ew	wê (wî) nekira	wan nekira

II. Dema berê forma B

Forma eretî

	yekjimar	pirjimar
kesê pêşî	minê bikira	meyê bikira
kesê diduyan	teyê bikira	weyê bikira
kesê sisyan ew	wêyê (wî) bikira	wanê bikira

Forma neyînî

	yekjimar	pirjimar
kesê pêşî	minê nekira	meyê nekira
kesê diduyan	teyê nekira	weyê nekira
kesê sisyan ew	wêyê (wî) nekira	wanê nekira

III. Dema berê forma C

Forma eretî

	yekjimar	pirjimar
kesê pêşî	min kiribe	me kiribe
kesê diduyan	te kiribe	we kiribe
kesê sisyan ew	wê (wî) kiribe	wan kiribe

Forma neyînî

	yekjimar	pirjimar
kesê pêşî	min nekiribe	me nekiribe
kesê diduyan	te nekiribe	we nekiribe
kesê sisyan ew	wê (wî) nekiribe	wan nekiribe

IV. Dema hebeyî niha

Forma eretî

	yekjimar	pirjimar
kesê pêşî	ez bikim	em bikin
kesê diduyan	tu bikî	win bikin
kesê sisyan ew	ew bike	ew bikin

Forma neyînî

	yekjimar	pirjimar
kesê pêşî	ez nekim	em nekin
kesê diduyan	tu nekî	win nekin
kesê sisyan ew	ew neke	ew nekin

b) Forma "hatin kirin"

Forma "hatin kirin" dide diyarkirin, ko "kirin" ne bi xwe bûye, lê bi destê kirdekî din bûye. Wek:
pirtûk hat nivîsandin, mal hat avakirin, ûhd.

Di forma **"hatin kirin"** de lêkerê alîkar saltgîr e û bi lêkerên derhingêv re tîn bikaranîn..

Di forma **"hatin kirin"** de bi tenê lêkerê alîkar **"hatin"** tê veguhastin.

Hinker:

1. Dema niha

Forma eretî

	yekjimar	pirjimar
kesê pêşî	ez têm dîtin	em tên dîtin
kesê diduyan	tu têyî dîtin	win tên dîtin
kesê sisyan ew	ew tê dîtin	ew tên dîtin

Forma neyînî

	yekjimar	pirjimar
kesê pêşî	ez nayêm dîtin	em nayên dîtin
kesê diduyan	tu nayêyî dîtin	win nayên dîtin
kesê sisyan ew	ew nayê dîtin	ew nayên dîtin

2. Dema werê

Forma eretî

	yekjimar	pirjimar
kesê pêşî	ezê bêm dîtin	emê bên dîtin
kesê diduyan	tê bêyî dîtin	winê bên dîtin
kesê sisyan ew	ewê bê dîtin	ewê bên dîtin

Forma neyîni

	yekjimar	pirjimar
kesê pêşî	ezê neyê m dîtin	emê neyê n dîtin
kesê diduyan	tê neyî dîtin	winê neyê n dîtin
kesê sisyan ew	ewê neyê dîtin	ewê neyê n dîtin

3. Forma fermanî

Forma eretî

	yekjimar	pirjimar
kesê diduyan	tu were dîtin!	win werin dîtin!

Forma neyîni

	yekjimar	pirjimar
kesê diduyan	tu were dîtin!	win werin dîtin!

4. Dema berê buhûrtî

Forma eretî

	yekjimar	pirjimar
kesê pêşî	ez hatim dîtin	em hatin dîtin
kesê diduyan	tu hatî dîtin	win hatin dîtin
kesê sisyan ew	ew hate dîtin	ew hatin dîtin

Forma neyîni

	yekjimar	pirjimar
kesê pêşî	ez nehatim dîtin	em nehatin dîtin
kesê diduyan	tu nehatî dîtin	win nehatin dîtin
kesê sisyan ew	ew nehate dîtin	ew nehatin dîtin

5. Dema bereyî ji zû de buhûrtî

Forma eretî

	yekjimar	pirjimar
kesê pêşî	ez hatibûm dîtin	em hatibûn dîtin
kesê diduyan	tu hatibûyî dîtin	win hatibûn dîtin
kesê sisyan ew	ew hatibû dîtin	ew hatibûn dîtin

Forma neyînî

	yekjimar	pirjimar
kesê pêşî	ez nehatibûm dîtin	em nehatibûn dîtin
kesê diduyan	tu nehatibûyî dîtin	win nehatibûn dîtin
kesê sisyan ew	ew nehatibû dîtin	ew nehatibûn dîtin

6. Dema berêyî dirêj

Forma eretî

	yekjimar	pirjimar
kesê pêşî	ez dihatim dîtin	em dihatim dîtin
kesê diduyan	tu dihatî dîtin	win dihatim dîtin
kesê sisyan ew	ew dihat dîtin	ew dihatim dîtin

Forma neyînî

	yekjimar	pirjimar
kesê pêşî	ez nedihatim dîtin	em nedihatim dîtin
kesê diduyan	tu nedihatî dîtin	win nedihatim dîtin
kesê sisyan ew	ew nedihat dîtin	ew nedihatim dîtin

7. Dema berê- niha

Forma eretî

	yekjimar	pirjimar
kesê pêşî	ez hatime dîtin	em hatine dîtin
kesê diduyan	tu hatiyî dîtin	win hatine dîtin
kesê sisyan ew	ew hatiye dîtin	ew hatine dîtin

Forma neyînî

	yekjimar	pirjimar
kesê pêşî	ez nehatime dîtin	em nehatine dîtin
kesê diduyan	tu nehatiyî dîtin	win nehatine dîtin
kesê sisyan ew	ew nehatiye dîtin	ew nehatine dîtin

8. Demên hekeyî

I. Dema berê forma A

Forma eretî

	yekjimar	pirjimar
kesê pêşî	ez bihatama dîtin	em bihatana dîtin
kesê diduyan	tu bihatayî dîtin	win bihatana dîtin
kesê sisyan ew	ew bihata dîtin	ew bihata dîtin

Forma neyînî

	yekjimar	pirjimar
kesê pêşî	ez nehatama dîtin	em nehatana dîtin
kesê diduyan	tu nehatayî dîtin	win nehatana dîtin
kesê sisyan ew	ew nehata dîtin	ew nehata dîtin

II. Dema berê forma B

Forma eretî

	yekjimar	pirjimar
kesê pêşî	ezê bihatama dîtin	emê bihatama dîtin
kesê diduyan	tê bihatayî dîtin	winê bihatana dîtin
kesê sisyan ew	ewê bihata dîtin	ewê bihatana dîtin

Forma neyînî

	yekjimar	pirjimar
kesê pêşî	ezê nehatama dîtin	emê nehatana dîtin
kesê diduyan	tê nehatayî dîtin	winê nehatana dîtin
kesê sisyan ew	ewê nehata dîtin	ewê nehata dîtin

III. Dema berê forma C

Forma eretî

	yekjimar	pirjimar
kesê pêşî	ez hatibim dîtin	em hatibin dîtin
kesê diduyan	tu hatibî dîtin	win hatibin dîtin
kesê sisyan ew	ew hatibe dîtin	ew hatibin dîtin

Forma neyînî

	yekjimar	pirjimar
kesê pêşî	ez nehatibim dîtin	em nehatibin dîtin
kesê diduyan	tu nehatibî dîtin	win nehatibin dîtin
kesê sisyan ew	ew nehatibe dîtin	ew nehatibin dîtin

4. Dema nihayî lêkeyî

Forma eretî

	yekjimar	pirjimar
kesê pêşî	ez bêm dîtî	em bên dîtî
kesê diduyan	tu bêyî dîtî	win bên dîtî
kesê sisyan ew	ew bê dîtî	ew bên dîtî

Forma neyînî

	yekjimar	pirjimar
kesê pêşî	ez neyêm dîtî	em neyên dîtî
kesê diduyan	tu neyî dîtî	win neyên dîtî
kesê sisyan ew	ew neyê dîtî	ew neyên dîtî

KM

Deh hevokan binvîsin, ko tê de forna "hate kirin" hebe!

c) Forma "dane kirin"

Forma "**dane kirin**" dide dayarkirin, ko mirov karê xwe bi xwe nake, lê dide mirovekî din, yan tişteki din, da wî karî bike.

Di forma "dan kirin" de lêkerên saltgûr nayên bikaranîn, lêkerê alîkar jî derhingêv e.

Veguhestina lêkeran di forma "dane kirin" de bi vî awayî ye:

Wek nimûne lêkerê alîkar "**dan**" û "**nivîsandin**" di hemû deman de tên bikaranîn.

Veguhestina dane kirin

1. Dema niha

kesê pêşî ez didim nivîsandin em didin nivîsandin

kesê diduyan tu didî nivîsandin win didin nivîsandin

kesê sisyan ew dide nivîsandin ew didin nivîsandin

Forma eretî

	yekjimar	pirjimar
kesê pêşî	ez didim nivîsandin	em didin nivîsandin
kesê diduyan	tu didî nivîsandin	win didin nivîsandin
kesê sisyan ew	ew dide nivîsandin	ew didin nivîsandin

Forma neyînî

	yekjimar	pirjimar
kesê pêşî	ez nadim nivîsandin	em nadin nivîsandin
kesê diduyan	tu nadî nivîsandin	win nadin nivîsandin
kesê sisyan ew	ew nade nivîsandin	ew nadin nivîsandin

2. Dema werê

Forma eretî

	yekjimar	pirjimar
kesê pêşî	ezê bidim nivîsandin	emê bidin nivîsandin
kesê diduyan	tê bidî nivîsandin	winê bidin nivîsandin
kesê sisyan ew	ewê bide nivîsandin	ewê bidin nivîsandin

Forma neyînî

	yekjimar	pirjimar
kesê pêşî	ezê nedim nivîsandin	emê nedin nivîsandin
kesê diduyan	tê nedî nivîsandin	winê nedin nivîsandin
kesê sisyan ew	ewê nede nivîsandin	ewê nedin nivîsandin

3. Forma fermanî

Forma eretî

	yekjimar	pirjimar
kesê diduyan	tu bide nivîsandin!	win bidin nivîsandin!

Forma neyînî

	yekjimar	pirjimar
kesê diduyan	tu nede nivîsandin!	win nedin nivîsandin!

4. Dema berê buhurtî

Forma eretî

	yekjimar	pirjimar
kesê pêşî	min da nivîsandin	me da nivîsandin
kesê diduyan	te da nivîsandin	we da nivîsandin
kesê sisyan ew	wê, wî da nivîsandin	we da nivîsandin

Forma neyînî

	yekjimar	pirjimar
kesê pêşî	min neda nivîsandin	me neda nivîsandin
kesê diduyan	te neda nivîsandin	we neda nivîsandin
kesê sisyan ew	wê, wî neda nivîsandin	we neda nivîsandin

5. Dema berêyî ji zû de buhurtî

Forma eretî

	yekjimar	pirjimar
kesê pêşî	min dabû nivîsandin	me dabû nivîsandin
kesê diduyan	te dabû nivîsandin	we dabû nivîsandin
kesê sisyan ew	wê, wî dabû nivîsandin	wan dabû nivîsandin

Forma neyîni

	yekjimar	pirjimar
kesê pêşî	min nedabû nivîsandin	me nedabû nivîsandin
kesê diduyan	te nedabû nivîsandin	we nedabû nivîsandin
kesê sisyan ew	wê, wî nedabû nivîsandin	wan nedabû nivîsandin

6. Dema berêyi dirêj

Forma eretî

	yekjimar	pirjimar
kesê pêşî	min dida nivîsandin	me dida nivîsandin
kesê diduyan	te dida nivîsandin	we dida nivîsandin
kesê sisyan ew	wê, wî dida nivîsandin	wan dida nivîsandin

Forma neyîni

	yekjimar	pirjimar
kesê pêşî	min nedida nivîsandin	me nedida nivîsandin
kesê diduyan	te nedida nivîsandin	we nedida nivîsandin
kesê sisyan ew	wê, wî nedida nivîsandin	wan nedida nivîsandin

7. Dema berê- niha

Forma eretî

	yekjimar	pirjimar
kesê pêşî	min daye nivîsandin	me daye nivîsandin
kesê diduyan	te daye nivîsandin	we daye nivîsandin
kesê sisyan ew	wê, wî daye nivîsandin	wan daye nivîsandin

Forma neyîni

	yekjimar	pirjimar
--	-----------------	-----------------

kesê pêşî	min nedaye nivîsandin	me nedaye nivîsandin
kesê diduyan	te nedaye nivîsandin	we nedaye nivîsandin
kesê sisyan ew	wê, wî nedaye nivîsandin	wan nedaye nivîsandin

8. Demên hekeyî

I. Dema berê forma A

Forma eretî

	yekjimar	pirjimar
kesê pêşî	min bidaya nivîsandin	me bidaya nivîsandin
kesê diduyan	te bidaya nivîsandin	we bidaya nivîsandin
kesê sisyan ew	wê, wî bidaya nivîsandin	wan bidaya nivîsandin

Forma neyînî

	yekjimar	pirjimar
kesê pêşî	min nedaya nivîsandin	me nedaya nivîsandin
kesê diduyan	te nedaya nivîsandin	we nedaya nivîsandin
kesê sisyan ew	wê, wî nedaya nivîsandin	wan nedaya nivîsandin

II. Dema berê forma B

Forma eretî

	yekjimar	pirjimar
kesê pêşî	mine bidaya nivîsandin	meyê bidaya nivîsandin
kesê diduyan	teyê bidaya nivîsandin	weyê bidaya nivîsandin
kesê sisyan ew	wêyê (wî) bidaya nivîsandin	wanê bidaya nivîsandin

Forma neyînî

	yekjimar	pirjimar
kesê pêşî	mine nedaya nivîsandin	meyê nedaya nivîsandin
kesê diduyan	teyê nedaya nivîsandin	weyê nedaya nivîsandin
kesê sisyan ew	wêyê (wî) nedaya nivîsandin	wanê nedaya nivîsandin

III. Dema berê forma C

Forma eretî

	yekjimar	pirjimar
kesê pêşî	min dabe nivîsandin	me dabe nivîsandin
kesê diduyan	te dabe nivîsandin	we dabe nivîsandin
kesê sisyan ew	wê, wî dabe nivîsandin	wan dabe nivîsandin

Forma neyînî

	yekjimar	pirjimar
kesê pêşî	min nedabe nivîsandin	me nedabe nivîsandin
kesê diduyan	te nedabe nivîsandin	we nedabe nivîsandin
kesê sisyan ew	wê, wî nedabe nivîsandin	wan nedabe nivîsandin

IV. Dema nihayî hekeyî

Forma eretî

	yekjimar	pirjimar
kesê pêşî	ez bidime nivîsandin	em bidin nivîsandin
kesê diduyan	tu bidî nivîsandin	win bidin nivîsandin
kesê sisyan ew	ew bide nivîsandin	ew bidin nivîsandin

Forma neyînî

	yekjimar	pirjimar
kesê pêşî	ez nedime nivîsandin	em nedin nivîsandin
kesê diduyan	tu nedî nivîsandin	win nedin nivîsandin
kesê sisyan ew	ew nede nivîsandin	ew nedin nivîsandin

Parçên axaftinê yên neguhêrbar ev in:

6. Hoker

Hoker parçekî axaftinêyî neguhêrbar e. Koker rewş û rengê kirin û bûnê diyar dikin. Di zimanê kurdî de sê texlîtên hokeran hene, ew jî ev in:

- 1. Hokerên ko rewşa lêkeran diyardikin**
- 2. Hokerên ko dema lêkeran diyardikin**
- 3. Hokerên ko cihê lêker diyardikin**

1. Hokerên ko rewşa lêkeran diyardikin

Ev hoker bersiva van pirsan didin:

Çawa? Çilo?

Ev jî çend hoker in, wek:

baş, hêdî, hêdî-hêdî, bi lez, zû, bi tenê, yeko-yeko, dudo-dudo,..., rast, bi rastî, bi hevaltî, bi hêrz, durist, gelekî, pir, hindikî,

ûyd.

Hîker

Azad baş got.

Hesp bi lez bezî.

Em yeko yeko hatin.

Em bi hevaltî bi hev re kar dikin.

Berhevaniya hokeran

Berhevaniya bi vî awyî ye:

Azad **baş** got. Cengîr **baştir** got. Temo **hê baştir** got. Temo **herî baş** got.

Em **bi hevaltî** kardikin. Em **bêhtir bi hevaltî** kardikin. Em **hê bêhtir bi hevaltî** kardikin.

2. Hokerên ko dema lêkeran diyardikin

Ev hoker bersiva van pirsan didin:

Kengî? Çi çaxî?

Ev jî çend hokerên demî ne:

Hokerên dema berê:

berê, duh, hingî, par, pêr, pêrar, pitepêr, pitpêrar, şevdî, ûhd.

Hîker

Temo **par** çû Wanê.

Ew **duh** ji bajêr hatin.

Şevdî li Qamişlo bû şer.

Hokerên dema niha:

îro, îsal, niha, vê heftiyê, vê şevê, vê îne, ûhd.

Hînger

îro xwendin heye.

Niha baran dibare.

Îsal sar e.

Hokerên dema were:

sibe, ûhd.

Hînger

Sibe ez naçim dibistanê.

3. Hokerên ko cihê bûyer lê diqewime (lêker) diyardikin

Ev hoker bersiva van pirsan didin:

bi kû de?

Di kû re?

ji kû ve?

li kû?

Ev jî çend hokerên cih diyar dikin:

der, hundir, dûr, pêş, paş, çep, rast, jor, jêr, wir, vir, ûhd.

Hîker

Azad ji der ve hat.

Ew ketin hundir.

Em li dûr bi cih bûn.

Wî xwe bi wir de da.

7. Daçek

Daçek bêjene neguherbar in, berî navan, cînavan û jimarên tîn bi kar anîn û her û her wan dixê forma tewandî yan, ya bihev, ya tevayî û yan jî ya cîwanî. Di zimanê kurdî de ev daçek hene:

bi, di, ji bo (bo, ji bona), ji, li ber, li bin, li cem, li der, li dor, li nav, li nik li paş, li pêş, li ser, li, pê, ûgd. (û gelekên din).

Hînkêr

berbi Narîn **berbi** malê ve diçe.

bi Şivan **bi** pez re derket. Serok nîşan **bi** Tîtal ve kir.

di Heval **di** civatê de rûniştine. Dibistana navîn **di** gund de sazbu.

ji bo Em **ji bo** xwendinê hatim vir. Diyarî **ji bo** te ye.

li ber Dar **li ber** avan şîntên.

li nav Em **li nav** bajêr digerin. Cenawir **li nav** diviyên peydedibin.

li paş Hevalno **li paş** kesî nemênin!

li ser Pirtûk **li ser** masê hene. Ala me **li ser** çiyên bilind bûye.

li Kulîlk **li** mîrgê pişkiwîn. Ez **li** welêt im.

pey Simo **pey** Temo ket.

Nasîn di kurmacyê de carnan ev daçek:

ji bo , li ber, li bin, li cem, li der, li dor, li nav, li nik li paş, li pêş, li ser

ûyd

wek:

jibo, liber, libin, licem, lider, lidor, linav, linik lipaş, lipêş, liser

tên nivîsandin di bin geha xwe de herdû şêwa wek hev in.

8. Gehandek

Gehandek bêjene neguhêrbar in, navan, lêkeran û hevokan bi hev re girêdidin.

Di zimanê kurdî de du kom gehandek hene, ew jî ev in:

a) Gehandekên yekta

b) Gehandekên duta

a) Gehandekên yekta

Gehandekên yekta bi tenê tên bikaranîn û nav, lêker û hevokan bi hev re girêdidin. Ew jî ev in:

bi qasî ko, da ko, da, eger, gava, hema ko, her çend jî, her wekî, ji ber ko, jî, ko, lê, û, wekî, wiha, wilo, wisa, yan,

ûyd.

Hînger

da	Şoreş rabû, da gel azad be.
eger	Emê herin, eger win bên.
herwekî	Herwekî te got, rat e.
jî	Ba hat, bagêr jî pê re hat.
ko	Emê bên, ko win li mal bin.
lê	Win çûn, lê em hatin.
û	Ez û tu hevalin.
wekî	Wekî te bir, me nave.
wilo	Eger ji te pirsî, wilo bêje.
yan	Kurdistan, yan neman.

b) Gehandekên duta

Gehandekên duta bi kêmayî ji du parçan biheketî ne û du navan, du lêkeran û yan du hevokan bi hev re girêdidin. Ew jî ev in:

çawa... wilo jî, çiqasî... ewqasî jî, hin... hin jî, jî... jî, ne... ne jî, wilo... çawa, wisa... çawa, yan... yan jî, ûgd.

Hînger:

çawa... wilo:	Te çawa got, wî wilo kir.
çiqasî... ewqasî:	Çiqasî Aram distrêne, ewqasî em şa dibin.
ewqasî... çiqasî:	Ewqasî em leyistin, çiqasî me çax hebû.
hem... hem jî:	Temo hem tembûrvan e, hem jî dengbêj e.
jî... jî:	Ez jî, tu jî em şagirt in.
ne... ne jî:	Li ser heyvê ne ba heye, ne jî av heye.
wilo... çawa:	Ew bûyer wilo ye, çawa tu dibêjî.
yan... yan jî:	Zivistanê yan berf e, yan jî baran e.

Di zimanê kurdî de bêjeyên nû bi alikariya pêşdank û paşdankan çêdibin û bi pevekirina bêjeyan. Bêjeyên bi vî awayî çêdibin wateyek nû didin.

1. Pêşdank

Pêşdank di zimanê kurdî de ji paşdankan kêmtir in ew jî ew in:

ber, bê, bin, ne, ser
ûyd.

Hînger

ber berpal, berçav, bermalê
bê bêçare, bêkar, bênav
bin bindest, bingeh
ne neyar, nexweş, nezan
ser sersal, serwext, serbar

2. Paşdank

Di zimanê kurdî de gelek paşdank hene, wek:

anî, ar, ayî (ahî), ber, çî, da, dar, ek, er, gah, geh, î, î, istan, kar, ker, mend, mende, nan, tî, war, wî.
ûym

Ev paşdank bi dawiya bêjan ve dibin û wateya wan diguherin.

Hînger:

anî	kêmanî, kûranî
ar	guh ar , xew ar
ayî (ahî)	meznayî, piçkatî, şinayî, ronahî
ber	rê ber
dar	nav dar , old ar , guh dar
ek	parse ek . Destek
er	bê er
geh (gah)	xwendeg ah , civang eh , nexweşg eh , xwaring eh , derg eh
(i)stan	Kurd istan , Sovyêt istan
(i)yan	Semy an , germi yan
î	kurdî, ciwanî
în	derew în , xew în
kar	xebatk ar , cot kar , alî kar
ker	kark er , kêr er , pirs er
loy	sûc loy
mend	bawer mend , derdem mend , karm end
mende	ser mende
ok	tirs ok , rez ok
tî	hevaltî, rêwî tî
van	aş van , bilûr van , gava n , tembûr van , nêçîr van
war	bextew ar , cîw ar
wî	bawî, rêwî

Paşdankên piçûker

Bi van paşdankan wateya navan piçûktir dibe, kêmtir dibe û yan delahîtir dibe. Ew paşdank jî ew in:

ek, ik, kok, kole, ok, ole,
ûyd

Hînger

ek	mî rek
ik	keç ik
kok	xweş kok
kole	reş kole
ok	zar ok
ole	reş ole

3. Bêjeyên pevekirî

Bêjeyên pevekirî bi vî awayî çêdibin:

A. Ji pevekirina du navan (nav+nav), wek:

avsîr, cînav, destbira, dotmam, hêkeren kurap, malbav, serêş,
ûym.

B. Ji navan û rayên lêkeran (nav û rayê dema niha, nav û rayê dema berê) , wek:

barkir, dengbêj, dilketî, gulfroş, masîgir, mêrkuj, nanopêj. rêbir, zerkir,
ûym.

C. Ji navan û rengdêran, wek:

I. nav+rengdêr

bextreş, çavreş, çavsor, destvala, dilsar, guhdirêj, kumreş, malava, rêxweş,
rûreş, serbilind sergêj, serhişk,
ûhd

II. rengdêr+nav

kalemêr, pîrejîn, sorgul, zordest,
ûhd

Ç. Ji durengdêran wek:

keskesor, reşbelek

D. Ji hokeran û navan, wek:

jêrxane, jorxane, pêşçav, paşmêr, zûbez,
ûhd

E. Ji daçek û hokeran

jêder

Nimûneyên çêbûna bêjeyan

Wek nimûne emê "**bajar**" û "**nêçîr**" bistênin.

Bajar: bajarî, bajar**van**, bajar**vanî**, bajar**vantî**
Nêçîr: nêçîrî, nêçîr**van**, nêçîr**vanî**, nêçîr**vantî**

Nimûnekî din bê çawa bêjeyên nû tên çêkirin û bêjeya "dest" baş bi kêrî vê tê.

ar
dest**ar**
ber- - - î
dest**ber**
bin- - - î
dest**bin**
birak
dest**birak**
ek
dest**ek**
gîr
dest**gîr**
î
dest**î**
kêş
dest**kêş**
kuj
dest**kuj**
mal
dest**mal**
ser- - - î
dest**ser**

ûr dest**ûr**
vala dest**evala**
xan dest**exan**

Kursê çara 8. 3. 1987 tewabû.